



# 二體詩



詩自二百篇以還至唐而聲律  
大備今人作詩以唐爲法唐詩  
蓋數百家雖不盡預四庫之目  
先賢猶慮其繁欲便後學乃選  
爲三體四體極玄又玄衆妙二  
妙英靈間氣等集然其用事源  
委多有未達因博採簡冊所載



參以平昔見聞訓釋成編論諸  
同志咸俾入梓以助啓蒙余尚  
懼疎昧或曰朱文公註楚辭未  
免闕疑李侍讀註文選亦或祖  
述之謬況其餘者乎博洽君子  
庶幾補而正之云嘗至大二季  
重陽日裴庾季昌書

子曰詩三百一言以蔽之曰思無邪  
此詩之體也又曰小子何莫學夫詩  
可以興可以觀可以羣可以怨邇之事  
父遠之事君多識於鳥獸州木之  
名此詩之用也聖人之論詩如此後  
世之論詩不容易矣後世之學詩者  
捨此而他求可乎近世永嘉葉正則



水心倡為晚唐體之說於是四靈詩  
江湖宗之而宋亦晚矣聖人之論詩  
不暇講矣而漢魏晉以來河梁栢梁  
曹劉陶謝俱廢矣又有所謂汝陽周  
伯攷三體法者專為四韻五七言小  
律詩設而古之所謂詩益付之鴻荒  
艸昧之外矣其說以為有一詩之法

有，一句之法，有一字之法，止於此三  
法而江湖無詩人矣。唐詩前，白居易、李杜  
後，以韓柳為最，姚合而下，君子不取  
為宋詩。則歐梅黃陳為第一，渡江，呂  
後、放翁、石湖諸賢詩皆當浚玩，熟觀  
體認變化。雖然，以吾朱文公之學而  
較之，則又有向上工夫。而文公詩未



易可窺測者也近高安沙門至天隱  
乃大魁姚公勉之猶子聰達博瞻禪  
熟文熟詩熟又從而註伯敬所集之  
詩一山魁上人回之方外交也將殞  
砂南峰表公之命俾回為序以弁其  
端云紫陽山虛叟方回序

唐三體詩註綱目

○卷之上 絕句體

實接 虛接 用事

前對 後對 拗體

側體


○卷之中 七言體

四實 四虛 前虛後實





# 唐分十道之圖




按唐書地理志唐興天下初定權置州郡頗多太宗貞觀元年始拜省因山川形便分天下為十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南貞觀十三年定簿凡州府三百五十八縣一千五百五十一開元二十一年又因十道分山南江南為東西道增置黔中道又北矧突厥頡利西平高昌北踰陰山西抵大漠其地東極海西至焉耆南盡秦州南境北接薛延陀界東西九千五百一十一里南北一萬六千九百一十八里

## 唐三體詩註綱目終

前實後虛 結句  
 ○卷之下 五言體  
 四實 四虛 前虛後實  
 前實後虛 一意  
 起句 結句 詠物



# 唐高祖開基圖




高祖渡河  
 次長春宮  
 次馮翊自  
 下邳以西  
 大長樂宮  
 留守衛文  
 昇奉代王  
 守京城遺  
 使諭之不  
 報十一月  
 克之次年  
 二月子建  
 成世民復  
 徇地東都  
 五月隋帝  
 遜于位

# 唐太宗混一圖




高祖克隋  
 都遣諸將  
 東征西討  
 虜世充擒  
 蕭銑擊黑  
 闡降李密  
 執建德薛  
 舉既以武  
 周奔敗朱  
 榮伏誅其  
 佗群盜併  
 往悉降而  
 平矣

# 唐地理圖



唐高祖居  
 隴西起兵  
 晉陽都長  
 安世充  
 據洛陽蕭  
 銑據江陵  
 安祿山反  
 范陽蕭宗  
 即位靈武  
 涇原軍士  
 作亂朱  
 泚德宗避  
 冠奉天玄  
 宗及僖宗  
 避冠成都

# 唐藩鎮圖



魏傳由水嗣至  
 田悅反盧龍李  
 懷仙至朱滔朱  
 克融及鎮異李  
 寶臣至王武俊  
 王廷湊反亞弗  
 京城浩奇李正  
 已至李師道反  
 橫海程日華至  
 李同捷反彭義  
 吳少誠至吳元  
 濟反東川劉闢  
 反浙西李錡反  
 並代誅宦武劉  
 玄佐至李榮死  
 朝廷別命代



求名公校正各目

瘦竊謂文謁昭代之英華昌符  
國運理探先賢之隱秘學本家傳是固儒者之當究心誠體  
聖主之所加意蓋美刺形於歌詠

政化有闕然訓釋泝其淵源刑泐無禁自劫至老之所素願雖愚不肯  
之可與知念唐年幾三百之多仙李云謝御詩宗垂諸代之富汗竹雷  
香乳物連類之難究積日成歲之易入深慮坐井之見謾興測海之謀  
臺卿七篇之解甚明尚慮遺闕以需改正晦翁四書之註已備猶設或  
問以辨疑訛予復何能敢自為是正重負於佗境雄力堪扶示宿恙於  
通衢良方乃得用求王公大人之聲效寧惰耆舊老成之樞趨僻臭味  
式契於芝蘭庶采核不遺於葑菲如日習蟠國子監可讀工部詩茲惟  
難哉就使眼空天下書始答韓公策蓋亦寡矣願責恕輕重之角立致  
酸譽榮辱之畦分覆瓿誣一陸之譏洛陽愈增於高價凌雲詫九重之  
鸛司馬奚憚於超遷幸大道之惟公喜微言之不泯行吟向曝思獻  
天子之尊佇俟觀風願陳民俗之厚拳拳大素耿耿寸丹

至大二年九月

日 裴 廈

各目

諸家集註唐詩三體家法諸例

- 一 諸箋註始自毛鄭諸賢以至歷代名家篇什先
- 一 儒並皆有註節此取法觀者幸悉
- 一 詩篇並依俗傳刊本或於元數爭差節非私意增損
- 一 三體詩多且格式最明故首於諸集
- 一 唐世系紀年并唐地理圖志附見集首庶幾幾作
- 一 詩時世及所指處所便於稽攷
- 一 唐賢履歷三體四體二效並以詩之次第為先
- 一 後佗集重名類之於前明該已見其集其餘則
- 一 列於後遂不復依次間有未詳始俟明哲
- 一 都邑州縣歷代沿革並依書傳史記及漢唐書地理志方



與勝賢等出處即繫以六合混圖并事林廣記等所載  
 皇朝混一各處所管道路於後雖溢四海之遠可見也  
 一官職歷代沿革並依史記及漢唐書并職林等  
 出處印以事文類聚等所載  
 皇朝當今設立名稱為證  
 一諸已註者更不重述間有事同或前畧而後備  
 觀者互見自有所得  
 一詩中用事或有未詳即闕之至若詩人措意蓋  
 起一時之興如無所據不敢臆說  
 一諸詩或經先賢講說及諸詩話已嘗辨論者各  
 附載本篇之末

唐世系紀年

姓李氏都長安二十帝一女主起武德  
 元年戊寅止天祐四年丁卯實二百八  
 十九年

高祖

諱淵字叔德隴西成紀人其五世祖高堂晉安  
 帝時據秦涼以自王是為涼太祖武昭王曾祖  
 虎事周閔帝及帝受魏禪虎已卒乃追錄其功封  
 唐國公謚曰襄襄公生炆炆襲封唐公為隋安州總  
 管柱國大將軍卒謚曰仁仁公生高祖又襲  
 封唐公滅隋國遂號唐在位九年壽七十一

武德元

元年  
 戊寅

太宗

諱世民高祖次子母曰大穆皇后  
 實氏在位二十三年壽五十三

貞觀二十三

元年  
 丁亥

高宗

諱治字為善太宗第九子母曰文  
 德皇后在位三十四年壽五十六

永徽六

元年  
 庚戌

顯慶五

元年  
 丙辰

龍朔三

元年  
 辛酉



麟德二 元年 甲子  
乾封二 元年 丙寅  
總章二 元年 戊辰

咸亨四 元年 庚午  
上元二 元年 甲戌  
儀鳳三 元年 丙子

調露一 元年 己卯  
永隆一 元年 庚辰  
開耀一 元年 辛巳

永淳一 元年 壬午  
弘道一 元年 癸未

則天皇后 諱 聖 姓 武 氏 井 州 文 水 人 父 士 護 官 至 工 部 尚 書 前 州 都 督 封 應 國 公 后 年 十 四 太 宗 崩 后 削 髮 為 感 業 寺 尼 其 有 色 選 為 才 人 太 宗 崩 后 削 髮 為 感 業 寺 比 丘 尼 高 宗 幸 寺 見 而 悅 之 召 入 官 為 昭 儀 進 號 宸 妃 永 徽 六 年 廢 皇 后 主 氏 立 宸 妃 為 后 稱 制 二 十 二 年 壽 八 十 一 〇 豐 之 少 切 〇 獲 紆 縛 於 白 居 莫 三 〇 切

光宅一 元年 甲申 本 嗣 聖 〇 改 文 明 入 改 光 宅 〇 垂 拱 四 元年 乙酉

永昌一 元年 己丑  
天授二 元年 庚寅  
載初一 元年 辛卯

長壽二 元年 壬辰  
如意一 元年 癸巳  
延載一 元年 甲午

天冊萬歲一 元年 乙未 正月 辛巳 改元 證聖 萬歲通天一 元年 丙申

神功一 元年 丁酉 聖曆一 元年 戊戌

久視一 元年 庚子 二月 改元 長安四 元年 辛丑

中宗 諱 顯 高 宗 第 七 子 母 曰 則 夫 順 聖 皇 后 在 位 六 年 壽 五 十 五 神 龍 二 元年 乙巳

景龍三 元年 丁未

睿宗 諱 旦 高 宗 第 八 子 在 位 二 年 壽 五 十 五 景 雲 二 元年 庚戌 本 唐 隆 元年 七 月 改 景 雲

太極一 元年 壬子 五月 戊寅 改元 延和 八月 甲辰 改元 先夫

玄宗 諱 隆 基 睿 宗 第 三 子 母 曰 昭 成 皇 后 寶 氏 在 位 四 十 三 年 壽 七 十 八 先 天 一 元年 乙巳 即 太 極 改

開元二十九 元年 癸丑 十 天寶十四 元年 丙申

肅宗 諱 亨 玄 宗 第 三 子 母 曰 元 獻 皇 后 楊 氏 在 位 七 年 壽 五 十 二 至 德 二 元年 丙申



乾元二

元年 戊戌

上元二

元年 庚子

寶應二

元年 壬寅

代宗

諱豫，肅宗長子，母曰章敬皇后。吳氏在位十七年，壽五十二。

廣德二

元年 癸卯

永泰一

元年 乙巳

大曆十四

元年 丙午

德宗

諱适，代宗長子，母曰睿貞皇后。沈氏在位二十六年，壽六十四。

建中四

元年 庚申

興元一

元年 甲子

貞元二十

元年 乙丑

順宗

諱誦，德宗長子，母曰昭德皇后。王氏在位一年，壽四十六。

永貞一

元年 乙酉

憲宗

諱純，順宗長子，母曰莊憲皇太后。王氏在位十五年，壽四十三。

元和十五

元年 丙戌

穆宗

諱恒，憲宗第三子，母曰懿安皇后。郭氏在位四年，壽三十。

長慶四

元年 辛丑

敬宗

諱湛，穆宗長子，母曰恭僖皇后。王氏在位二年，壽十八。

寶曆二

元年 乙巳

文宗

諱昂，穆宗第二子，母曰貞獻皇太后。蕭氏在位十三年，壽二十三。

太和九

元年 丁未

開成五

元年 丙辰

武宗

諱炎，穆宗第五子，母曰宣懿皇太后。韋氏在位六年，壽三十三。

會昌六

元年 辛酉

宣宗

諱忱，憲宗第十二子，母曰孝明皇太后。鄭氏在位十三年，壽五十。

太中十三

元年 丁卯

懿宗

諱僊，宣宗長子，母曰元昭皇太后。龐氏在位十四年，壽三十一。

咸通十四

元年 庚辰

僖宗

諱儼，懿宗第五子，母曰惠安皇太后。王氏在位十五年，壽二十七。

乾符六

元年 甲午

廣明一

元年 庚子

中和四

元年 辛丑

光啓三

元年 乙巳

文德一

元年 戊甲

昭宗

諱晔，懿宗第七子，母曰恭憲皇后。王氏在位十四年，壽二十八。



龍紀一 元年 巳酉

大順二 元年 庚戌

景福二 元年 壬子

乾寧四 元年 甲寅

光化三 元年 戊午

天復三 元年 辛酉

景宗

諱祝昭宗第九子，母曰皇太后何氏，在位四年。禪于後梁太祖朱溫，徙于曹州，號濟陰王。梁開平二年，遇弒，年十七，謚曰哀帝。

天祐四 元年 甲子 四年 丁卯 四月 禪位

### 三體集二百六十七人

#### 杜常

新舊史及唐諸家小說並無杜常姓名，惟孫公談圃以杜常為宋人，西清詩話亦曰：世有才藻擅名而詞不工者，不以文藝稱，而語驚人者，如進傳華清宮一絕，乃杜常武昌阻風，乃方澤也。按一說則杜常方澤，皆宋人，伯所詩學傳家列之於唐，唐必有據，更俟博聞者定之。

#### 王建

大曆十年第一進士，太和中為陝州司馬，初為渭南尉，與宦者王守澄有宗人之分，澄以弟呼之，故多知禁掖故事，作宮詞百篇。○茗溪漁隱詩話引王建宮詞舊跋云：建與韓愈、張籍同時，而藉相友善，工為樂府歌行，思遠格幽。

#### 薛能

字大拙，汾州人。會昌六年登進士第，大中末書判官，選補鹽屋村大原陝號河陽等從事，李福鎮滑州，表觀察判官，歷御史都官刑部員外，福建西川取為節度副使，咸通中攝嘉州刺史，乾符中許州刺史，歸朝遷主客度支刑部郎中，俄刺同州京兆溫潼貶命權知尹事出，領感化節度，入授工部尚書，復



節度徐州徙忠武廣明中徐兵戍敗水經許館城中  
許軍懼見翼逐能據城大將周岌自稱留後因屠其家

錢起

吳興人天寶中舉進士終

張籍

考功郎中與郎士元齊名  
字文昌和州烏江人登進士第韓愈薦為

杜牧

國子博士歷水部主客郎中終國子司業  
字牧之舉進士復舉賢良方正太和末自侍御

史田作沈傳師宣城幕除官入京後二十餘年  
連典池黃湖等四郡遷殿中侍御史後為司勳員外

郎踰軍遷中書舍人卒年五十牧詩情致豪邁人號  
小杜以今

王昌齡

字少伯江寧人工詩時謂王江寧開元間第  
進士補秘書郎又中博學宏詞遷汜水尉不

護細行貶龍標尉以世亂還  
鄉里為刺史閻丘悅所殺

王維

字摩詰太原人開元初年十九進士擢第調太  
樂丞坐累為濟州司倉參軍張九齡執政擢右

拾遺歷監察御史累遷給事中祿山亂平下遷太子  
中允久之遷中庶子三遷尚書右丞有詩名工畫士

元初卒年  
六十一

張繼

字懿孫襄州人登天寶進士第大曆未檢校祠  
部員外郎分掌財賦於洪州又嘗為鎮我軍軫轄

戴叔倫

字幼公潤州金壇人師事蕭穎士為門人冠  
劉晏管鹽鐵奏主運湖南嗣曹王皋領湖南

江西表在幕府德宗建中中李希烈反舉討希烈留  
叔倫守杭州刺史後遷容管經畧德宗嘗賦中和節

詩遺使寵賜代還  
卒于道年五十八

韓翃

字君平南陽人天寶十三進士侯希逸鎮淄  
青表幕府從事府罷閑居十年李勉鎮夷門辟

為幕屬建中初除駕部郎  
中知制誥終中書舍人

劉商

彭城人居長安工畫山水木石終檢校禮部郎  
中汴州觀察判官又按唐書貞元比部郎中

李涉

李渤之兄初借隱廬山憲宗時為太子通  
事舍人太和中為太學博士自號自溪子

竇常

字中行扶風平陵人左拾遺叔尚之子與弟牟  
羣庠輩俱有名常大曆中及進士策不肯調客



廣陵多所論著隱居二十年杜祐鎮淮南羅爲參謀歷朗夔江撫四州刺史寶曆中國子祭酒致仕卒贈越州都督

### 徐凝

知何據

睦州人按嚴州圖經凝分水縣人紀事云元豐中縣令毛直友序凝詩謂野史稱官金侍郎不

### 雍陶

### 許渾

字國鈞太中八年自國子毛詩博士出爲簡州刺史

字用晦圍師之後居潤州京口太中三年在監察御史以疾乞東歸終睦州刺史○按渾

本居睦州而詩號丁卯集者曾彥和潤州題集云輿地志晉元帝子車騎將軍袁鎮廣陵運糧出京口以水澗奏請立堤丁卯制可以爲名令通吳門外五里有港曰丁卯上有石橋乃昔人立堤之所也渾詩序言於朱方丁卯潤村舍寫於烏絲欄目之爲丁卯集蓋渾有別墅在常居此村也

### 溫庭鈞

本名岐字飛卿嘗於江淮爲親表積楚改名庭鈞困於場屋卒無成與李商隱皆有各號

溫李然薄於行與貴胄裴誠令狐漪等蒲飲狎昵太中未上書千餘言授方山尉徐商鎮襄陽署巡官俄罷楊叔疾之遂廢卒

### 李群玉

字文山澧州人太中中宰相崔鉉進其詩以厚延致之入相以詩薦於朝遂授校書郎

### 唐彥謙

字茂業咸通末進士第中和間王重榮表河中從事歷節度副使重榮遇害貶漢中丞與元楊守亮留署判官遷副使歷晉絳閩壁四州刺史自號鹿門先生按唐書作大順進士第一云檢校禮部尚書

### 陵龜蒙

字魯里三吳人也元方七世孫父賓虞浙東從事龜蒙少高放通六經大義猶明春秋舉進士一不中居姑蘇又云居松江甫里藏書萬卷從事耕釣性嗜茶時謂江湖散人素與李蔚善及當國召拜拾遺詔方下而卒



吳融

字子華越州山陰人龍紀初及進士第韋昭度  
討蜀表學書記遷累侍御史後為左補闕以禮  
部郎中為翰林學士拜中書舍人昭

韓偓

字致光一字致堯京兆萬年人擢進士第佐河  
中幕府召拜左拾遺遷東左諫議大夫王溥薦  
為翰林學士遷中書舍人後貶濮州司馬再貶榮懿  
尉徙鄆州司馬天祐二年復召為學士還故官不敢  
入朝孽族依王審知而卒有詩名香奩集

嚴維

字文正越州人為越諸暨及河南尉  
又充河南嚴中丞幕府終校書郎

竇庠

字眉卿婺州刺史又詳  
見前竇常及後竇羣下  
字德元元和四年進士與  
韓愈李正封孟郊友善

鄭谷

字守愚袁州人故永州刺史鄭史之孫云鄭  
谷幼時司空圖與刺史同院見而奇之吟詩  
嘆惜撫其背曰當為一代風騷主為  
右拾遺乾寧中以都官郎中卒于家

杜荀鶴

字彥之杜牧之微子也牧之會昌末自齊安  
移守秋浦時妾有姝出嫁長林鄉正杜筠生  
荀鶴有能詩名大順初擢第尋授翰林學士主客員  
外郎知制誥天祐初卒本池州人州有九華山故自  
稱九華山人

劉長卿

字文房至德監察御史以檢校祠部員外郎  
為轉運使判官知淮西鄂岳轉運留後鄂岳  
觀察使吳仲孺誣奏貶潘州南巴尉會  
有為之辨者除睡功司馬終隨州刺史

秦至

字公緒會稽人天寶避亂剡溪本集云大曆五  
年人以詩聞北都鄴之留守薛兼訓奏為古衛  
率府倉曹參軍不就客棗州結廬南安太松下死石  
為研注老子彌年不出張建封聞不可致請就加校  
書郎年八十七卒

李洞

唐諸王孫也嘗遊兩川祝氏勝覽洞雍州人避  
朱泚之難入蜀於普州大雲山鑿石為洞讀易  
其中師事賈島慕其為詩北夢瑣  
言載洞鑄島像頂戴常念賈島佛



陳羽

與韓退之同年登第

于鵠

大曆貞元間詩人也為諸府從事居江湖間嘗自述曰三十無名客空山獨卧秋堂一時空者耶

孟遲

字遲之登會昌五年進士第

崔魯

太中時進士也撫言云有酒失按唐書魯作權有無機集四卷三百篇

岑參

南陽人文本之後登天寶進士第累為安西節度判官入為祠功二外郎虞庫二正郎出為嘉州刺史副元師杜鴻漸表參兼待御史列於幕府使罷寓于蜀中原多故卒死於蜀又至德中嘗在

宣議郎試大理評事攝監察御史

司空曙

字文明一字文初廣平人登進士第從韋臯於劍南貞元年水部郎中終虞部郎中大曆

中才子一人之數唐書詩二卷

張喬

池州人咸通中京兆府解試首薦唐書大順進士第黃巢寇亂遂與在喬之徒隱九華

張佺

關

僧法振

與姚合同時人

顧況

字道翁姑蘇人至德進士性恢諧與柳渾李泌為方外友德宗時渾輔政以秘書郎召及泌為相自謙嘗得達官久之遷著作郎坐詩語調諱貶饒州司戶居第山以壽終

柳宗元

字子厚河東人進士博學宏詞科貞元間王叔文得政引內禁與計事俄而叔文敗坐貶

永州司馬元和十年徙柳州刺史號柳柳州十四年卒

李郢

字楚望大中進士及第為藩鎮從事終待御史又按九國志郢本長安人唐末避亂嶺表生子

璵字魯珍尤能詩登田科終給事中

王駕

字大用河中人天順初進士及第任至尚書禮部員外郎自稱守素先生與司空圖鄭谷相善

為詩友



張演

咸通十三年鄭昌符榜及第

司空圖

字表聖河中虞鄉人五代史缺文云自言洞

幕府召為殿中侍御史被劾三遷光祿寺主簿盧携執政召拜禮部員外郎尋遷郎中僖宗朝知制誥遷中書舍人拜諫議大夫昭宗朝兵部侍郎以足疾辭歸中條山主宮谷先人之故居及聞景宗被弒不食而卒年七十一

皇甫冉

字茂政潤州丹陽人幼晏先生謚之後秘書少監集賢院備撰彬之姪同第曾躡登天寶進士授無錫尉避難居陽美天曆中河南節度使主綰鎮徐州辟為掌書記後為左金吾衛兵曹參軍左補闕與曾齊名

劉禹錫

字夢得漢景帝子勝中山王之子孫其七世祖亮遷洛陽為比部都昌人擢進士第登博學宏詞科貞元間與王叔文交及叔文敗貶朗州司馬及連州刺史又改夔州後入為主客郎中會昌初

盧仝

居東都韓愈為河南令愛其詩厚禮之仝自號玉川子嘗作月蝕詩以譏元和逆黨愈稱其工劉後村詩話稱為處士甘露中為官者所殺

元稹

字微之河南人生於建中元年庚申少樂天七歲十五擢明經元和初舉制科對策第一拜左拾遺長慶初擢祠部郎中知制誥俄遷中書舍人翰林承旨學士太和尚書左丞拜武昌節度使卒年五十三贈尚書右僕射

姚合

開元宰相崇曾孫按新史云崇生舍舍曾孫合庠相世表崇弟元素算算生開開生合則合為舍之從孫崇之從曾孫矣元和中進士及第調武功主簿又為富平萬年尉寶應中遷監察御史戶部外郎出為荆杭二州刺史後為給事中陝號觀察使開成未終秘書少監諫議大夫選唐詩百首名極玄集

趙嘏

字永祐棗家浙西會昌二年擢進士第一作開成五年太中卒於渭南尉



羅隱

字昭諫餘杭人隱池之梅根浦自號江東生廣  
明中池守竇滄營墅居之光啓中錢鏐辟爲從  
事節度判官副使梁祖以諫議召不行開平中魏博  
羅紹威推爲叔父表授給事中年八十余終余杭有  
子曰

朱褒

賈島

字浪仙范陽人來洛陽韓愈教爲文初爲浮屠  
名無本後去浮屠舉進士累舉不中文宗時爲  
病蟬詩刺公卿或奏島與平曾爲牛惡大中未授遂  
州長江主簿會昌初以普州司倉參軍遷司戶未授  
命以啖牛肉得疾卒年六十五

方澤

曹松

西清詩話云近傳華清宮一絕乃杜常  
武昌阻風乃方澤也或云二人皆宋人  
字夢微衡陽人一云舒州人學賈司倉爲詩此  
外無能天復初及第王希羽劉象桐崇鄭希顏  
同榜皆年七十餘時號  
五老榜各授校書郎

僧靈徹

姓陽氏字澄源越州人居雲門寺一時公卿  
若劉長卿嚴維皇甫曾皆投刺結友徹與皎  
然僧標齊名終于宜州開元寺  
門人遷之建塔山陰天柱峯  
貞元後

雍裕之

劉言史

與孟郊友善按皮日休劉棻強碑云先生姓  
劉氏名言言史不詳具卿里與李賀同時其歌  
詩自賀外世莫得比于武俊節度鎮冀造之武俊奏  
詔授棗強令辭疾不就世重之日劉棻強猶范萊卷  
之類也

竇群

字丹列京兆金城人兄弟皆擢進士第獨羣以  
處士客隱昆陵母卒嚙指置棺中廬墓韋夏卿  
薦之朝德宗擢左拾遺武元衡薦代中丞憲宗立轉  
膳部員外兼侍御史出爲唐州刺史又拜吏部郎中  
湖南觀察使改黔中因羣蠻亂貶開州刺史稱遷客  
管經畧使召還卒于行年五十五贈左散騎常侍兄  
常弟牟庠輩皆爲郎工詞章爲聯  
珠集行於時義取昆弟若五星然



劉得仁

貴王之子自開成至太中三朝昆弟皆歷貴仕而得仁苦於詩出入舉場三年卒無成而卒太中十三

儲嗣宗

年及第

熊孺登

鍾陵人登進士第終藩鎮從事白樂天同時有洪州逢孺登詩

韋應物

周道盜公復之後待價生令儀令儀生靈生靈生應物據王欽臣為作詩序云唐史不載其行事然詳其集中天寶時扈從遊幸永泰中任洛陽丞京兆府戶曹大曆十四年自鄆縣令制除櫟陽令建中二年由前資除比部員外出為徐州江州刺史追赴闕改左司郎中貞元初又刺蘄州劉禹錫詩稱為左司官止此○又沈

李益

字君虞涼州武威郡姑藏人天曆四年登第有心疾不見用後為幽州劉濟營田副使獻詩有感恩知有地不上望京樓之句憲宗召為秘書少監負才凌轡諫官暴幽州時怨望語降秩俄復官遷太子賓客轉散騎常侍後遷禮部尚書致仕卒

竇鞏

字友封雅裕與人言若不出口世號聾需翁元稹武昌軍節度辟秘書少監兼御史中丞充節度副使卒

李商隱

字義山懷州河內人英國公世勣裔孫開成二年登進士第調弘農尉王茂元鎮河陽表掌書記以子妻之除侍御史令狐楚師河陽奇其文歷鎮表為巡官及令狐綯當國補太學博士以檢校工部員外卒榮陽為文塊邁奇古與溫庭均段成式相誇號二十六休自稱玉溪生

竇牟

字贈周貞元間進士累佐節度府長慶中為國子司業

章碣

孝標之子登乾符進士第

張祐

字丞吉以處士居蘄州令狐楚長慶中嘗薦其詩於朝上不用詳見又玄集杜牧寄張祐詩注或云祐清河人嘗賦淮南詩云人生只合揚州死禪智山光好墓田太中中果卒於丹陽

盧綸

字允言河中蒲人避天寶亂客鄱陽大曆初舉進士不入第無載取其文以補闕卿尉累遷監



察御史渾瑊鎮河中辟元帥判官累遷檢校戶部郎中德宗從中驛召會卒與古中孚韓胡錢起司空曙苗發崔峒耿湜夏俟審李益

### 高蟾

紀事載唐登科記進士有兩高蟾其一乾符三年高湘下其一中和三年夏俟瀧下係賓貢人然能詩之蟾則乾符二年登第者是也詩史所載攻之當乾符四年○唐書乾寧御史中丞

### 李頎

開元進士第

### 長孫佐輔

德宗時人弟公輔為州刺史佐輔往依焉

### 高駢

字千里南平郡王高崇文孫家世禁衛咸通中懿宗將復安南授節度招討使僖宗立南詔掠成都從劍南西川節度歷荆南鎮海節度徙淮南因誅黃巢無出師意帝以干鐸代之賊平無聊乃篤意求仙惑於日用之張守一諸葛殷等役使鬼神妖怪之說鎮揚州大將軍師鐸反攻揚州囚十道院殺之生長慶初死光啓間

### 殷堯藩

元和九年登進士第從李翱長沙幕府嘗為永樂令後以待御史官江南○云秀州人

### 劉滄

字蘊靈大中進士第魯人

### 張泌

江南人南唐內史舍人

### 方干

字雄飛新定人暇入元帥其外主父也云歛人兒缺號缺唇先生有司以唇缺不可與科名咸通中隱居鑑湖一云桐廬人恣態山野時號方處士嘗謁廉侗誤三拜人稱方三拜將薦于朝而宰相人謚玄英先生韋莊奏賜及第一云宰臣張文蔚中書舍人封舜卿奏名儒不遇者十五人乞各賜一官以慰冥寃干其一也

### 高適

字達夫滄州勃海人舉有道科調封丘尉祿山又為哥舒翰西河從事由左拾遺遷侍御史擢諫儀大夫代崔光遠西川節度使又蜀彭州刺史入為刑部侍郎廣德中左散騎常侍封勃海侯年五十始為詩即工每吟一篇好事者輒傳布永泰初卒



崔曙

開元二十六年  
年第進士

李遠

字求古太中建州刺史又宣宗太中十二年丞  
相令孤綸擬遠杭州刺史上曰吾聞遠詩云長

日惟消一局棋安能理人緇曰此詩人  
託興乎未必果然上曰且令往試觀之

來鵬

昭宗時人詩思清麗福建韋尚書岫愛其文欲  
以女妻之不果後游蜀夏課卷中有詩云一把  
綠荷風剪破賺他秋雨不成珠識者以為不祥是歲  
隨秋賦而卒又詩云分明記得還家夢徐儒宅前湖  
水東恐

洪州人

李嘉祐

別名從一或曰從一也袁州人初為江陰  
令二元中台州刺史太曆刺袁州又嘗郎於  
中臺故寶常贊嘉祐云雅登郎  
位靜鎮方州其詩因號臺閣集

李頻

字德新睦州壽昌人一作遂安人太中八年擢  
進士第調秘書郎為南陵主簿判入等再遷武  
功令縣大治懿宗嘉之擢侍御史累都宮員外郎乾  
符中以工部郎中表丐建州刺史卒于官娶姚合少

監

皮日休

字襲美一字逸少襄陽人咸通八年登進士  
第一云咸通中為太常博士遭亂歸吳中黃  
巢寇江浙劫以從軍至京師  
以為偽翰林學士令作識

崔顥

汴州人開元權進士第才俊無行好補飲娶妻  
惟擇美者不憚即去之者三四終司勳員外郎  
登寶應進士第為左拾遺大曆

李德裕

字文饒趙州贊皇人元和宰相李吉甫子以  
蔭補校書郎穆宗權為翰林學士尋授御史  
中丞出為浙西觀察使文宗大和三年拜兵部侍郎  
復出為鄭滑節度使徙劍南西川節度使後拜刑部  
尚書又拜平章事又與元節度使武宗立召拜同平  
章事封衛國公宣宗罷為司徒同平章事荆南節度  
使俄徙東都留守後貶潮州司馬又匡州司  
馬卒年六十三懿宗追復太子少保衛國公

李端

趙州人仕至杭州司馬詩格云校書郎大曆十  
才子一人之數李嘉祐有送姪端詩蓋其姪



白居易

字樂天其先太原人徙華州下邳生於大曆七年壬子貞元十四年擢進士第元和對策為翰林學士因事貶江州司馬遷左拾遺徙忠州刺史入為可門員外郎以主客郎中知制誥長慶中自中書舍人為杭州刺史會昌初刑部尚書致仕六年卒年七十五贈尚書右僕射

頂斯

字子遷江東人會昌四年登進士第命為潤州丹徒縣尉尚書楊敬之雅愛其詩所至稱之嘗贈詩云平生不解藏入善到處逢人說頂斯敬之御史疑之

羊士諤

受知李吉甫又最善白居易薦為御史又嘗為資州刺史按順宗實錄元年貶羊士諤為江州寧化縣尉蓋士諤性頑險以公事至京時王叔文用事公言其非叔文聞之怒欲下詔斬之韋執誼不可遂

崔塗

字禮仙光啓四年登進士第字李直幽州人以武參軍避亂居揚州再召未赴卒按聞氣集云張君奔墓者中歲舉文

張南史

詩境

李紳

字公垂中書令敬玄曾孫為人短少時號短李紳憲宗元和初擢進士第穆宗召為拾遺翰林學士敬宗遷滌壽二州刺史文宗開成河南君武宗中書侍郎同平章事右僕射淮南節度使卒李德裕元稹同時

李山甫

咸通間人按王鐸傳載李山甫者數舉進士被黜依魏幕內樂禍且怨中朝大臣導樂彥稹子從訓以詭謀使伏兵高雞泊劫王鐸家屬吏佐三百餘人皆遇害即其人也

褚載

字厚之乾寧二年登進士第詩史云載家至貧客梁宋間困甚以詩投襄陽節度使邢君牙云西風昨夜隨紅茵一宿郵亭事萬般無地可耕歸不得有恩堪報死何難流半作孝看將老百計未得安一卷新書滿懷淚頻來門館訴飢寒君才贈綺下正薦於鄭滑辟支使不行明年裴贇知貢舉薦之擢第

韋莊

字端已杜陵人見素之後曾祖少微宣宗時中書舍人李詢為兩川宣諭和協使莊為判



官中原多故潛依王建建碑掌書記及起居舍人選唐詩三百首為又玄集

### 王貞白

字有道乾寧二年進士第

### 羅鄴

餘杭人父則為鹽鐵少吏有二子俱以文學干進鄴尤長七言詩崔安潛侍郎廉問知江西志在引旌為幕吏所沮既而俯就督郵因茲舉事無成而卒

字必簡襄陽人擢進士為隰城尉又天官侍郎累遷洛陽丞坐事貶嘉州司戶參軍武后時授著作佐郎遷膳部員外神龍初坐交通張易之流峯州入為國子監主簿修文館直學士卒太學士生子閔

### 杜審言

字必簡襄陽人擢進士為隰城尉又天官侍郎累遷洛陽丞坐事貶嘉州司戶參軍武后時授著作佐郎遷膳部員外神龍初坐交通張易之流峯州入為國子監主簿修文館直學士卒太學士生子閔

字雲卿相州內黃人及進士第由協律郎累除給事中考功郎受賕劾未究會張易之敗長流驪州稍遷台州錄事參軍入計得召見拜起居郎兼修文館直學士侍宴帝詔學士等舞回波為弄詞悅帝賜牙絳尋歷中書舍人太子詹事開元初卒

字雲卿相州內黃人及進士第由協律郎累除給事中考功郎受賕劾未究會張易之敗長流驪州稍遷台州錄事參軍入計得召見拜起居郎兼修文館直學士侍宴帝詔學士等舞回波為弄詞悅帝賜牙絳尋歷中書舍人太子詹事開元初卒

### 沈佺期

字雲卿相州內黃人及進士第由協律郎累除給事中考功郎受賕劾未究會張易之敗長流驪州稍遷台州錄事參軍入計得召見拜起居郎兼修文館直學士侍宴帝詔學士等舞回波為弄詞悅帝賜牙絳尋歷中書舍人太子詹事開元初卒

字孝常潤州丹陽人天寶中與兄冉踵登進士歷侍御史監察坐事貶舒州司長陽翟令與兄齊名當時比下張氏景陽子孟陽云

### 皇甫曾

字孝常潤州丹陽人天寶中與兄冉踵登進士歷侍御史監察坐事貶舒州司長陽翟令與兄齊名當時比下張氏景陽子孟陽云

### 王灣

登先天進士第開元初為棗陽主簿馬懷素欲校正羣籍灣在選中各部撰次後為洛陽尉丞相燕公說之子說其先自范陽徙河南更為洛陽人均自太子通事舍人累遷主爵郎中中書舍人後襲燕國公累遷兵部侍郎以累貶補饒二州刺史復為兵部侍郎及尚書坐第均貶建安太守還授大理卿祿山盜國為偽尚書令肅宗以說有舊詔免罪流合浦建中初贈太子少傅潤州句容人天寶間

### 張均

登先天進士第開元初為棗陽主簿馬懷素欲校正羣籍灣在選中各部撰次後為洛陽尉丞相燕公說之子說其先自范陽徙河南更為洛陽人均自太子通事舍人累遷主爵郎中中書舍人後襲燕國公累遷兵部侍郎以累貶補饒二州刺史復為兵部侍郎及尚書坐第均貶建安太守還授大理卿祿山盜國為偽尚書令肅宗以說有舊詔免罪流合浦建中初贈太子少傅潤州句容人天寶間

### 殷遙

終忠主府倉曹參軍

### 崔峒

登進士第為拾遺集賢學士後終州刺史或云終元武令文藝傳云終右補闕天曆十主事下

### 楊發

字至之楊收之兄收世居馮翊發登進士及中拔萃累官左司郎中又為都官郎中改太常少

人之數

### 楊發

字至之楊收之兄收世居馮翊發登進士及中拔萃累官左司郎中又為都官郎中改太常少



卿為揚州刺史徙福建  
觀察使貶婺州刺史

李質

字公幹襄陽人又謹見等  
後五言得自觀東方詩

章八元

睦州人登大曆進士第嘗於郵亭偶題蓋激  
楚之音也會替嚴維到驛問曰爾能從我學  
詩乎日能少頃遂發八元已辭家  
維賢之遂親指諭數年充賦擢第

張又新

字孔昭工部侍郎薦之子元和中和及進士高  
第歷左右補闕附李逢吉罷汀州刺史又附  
季訓訓死後坐  
貶終左司郎中

鄭巢

與姚合  
同時舉

孫魴

南昌人唐末鄭谷避亂歸宜春魴往依之頗為  
誘掖後有能詩名終於南唐其父畫工也王徹  
為中書舍人其魴諸詞云李陵橋上不吟取次  
之詩顧胤筆頭畫壽常之物魴終身恨之

李咸用

隴西人仕至推官揚誠齋為作  
詩序云唐末人詩卷名披沙集

李中

唐末為新塗  
令有碧雲集

僧處默

越州人一作睦州  
人與羅隱同時人

僧靈一

越中雲門寺律師持律甚嚴以清高為世所  
雅能詩劉長卿嚴維邵士元皇甫冉皆以詩  
相往來

李昌符

字岩夢登咸通四年進士第歷尚書郎○又  
按唐書僖宗光啓三年六月己酉鳳翔節度  
使李昌符反庚戌犯太安門  
不克奔于隴州七月伏誅

僧貫休

字德隱婺州蘭溪和安寺賜紫禪月木  
師詩號禪月集曹松許棠方士同時人

張謂

登天寶二年進士第奉使長沙大曆間  
為孔部侍郎連典七年八年九年貢舉

張蠙

字象文乾寧進士第尉櫟陽避亂入蜀蜀王時  
為金堂令進詩二百首召知制誥宋光嗣以蠙  
輕忽傲物止之卒於  
官蠙音平又蒲邊切



許棠

字文化宜州涇縣人登  
咸通十二年進士第

孟浩然

字浩然襄州襄陽人初隱鹿門山張九齡為荆  
州碎置子府府罷開元末病道背卒年五十一

郭良

闕

朱慶餘

唐書作朱慶名可久以字行又字  
慶緒越州人登寶曆二年進士第

宋之問

字延清一名少連汾州人越州長史神龍初  
少府監與弟之遜皆諂事張易之貶嶺南瀧  
州參軍事逃歸匿駙馬都尉王同皎家聞同皎疾武  
王思及韋后之言之遜密令子曇與甥李俊告同皎  
欲殺王思及廢后事以自贖同皎等皆坐斬之問之  
遜並除京官遷考功員外郎中宗時諂事太平公主  
復結安樂公主太宗深疾之  
中宗將用為中書舍人  
太平公主發其賊下遷汴州長史又改越州睿宗立  
以險險盈惡  
流欽州賜死

張鴻

闕

于武陵

會昌時詩人李郢李  
頻同族或云即于郢

常建

肅代時人殷璠河岳英靈集云常建倫於  
尉按王前公詩選載常建大曆中盱眙尉

章孝標

桐廬人登元和十四年進士第太和  
中為山南東道從事試大理評事

孫逖

傳州武水人云河南人開元十年舉賢良方  
正擢左拾遺李嵩鎮大原表置幕府以起居舍  
人又為集賢院脩撰改考功員外遷中書舍人居職  
八年判刑部侍郎以風疾徙太子左庶子累年徙少  
詹事上元中卒贈尚  
書右僕射謚曰文

卽士元

字君胃中山人寶應元年遷畿縣官詔  
試中書補渭南尉歷拾遺又郢州刺史

裴說

天復六年登甲科按天復無六年乃天祐四年  
說為薛延珪侍郎下進士第一人禮部外郎

黃滔

字文江與化軍人光化中御  
史唐書云光化四門博士

周賀

初為僧曰清塞唐人說云鬼滿期姚  
監蟬梳別奉公想姚合同時人也



馬載

字虞臣會昌中進士第太學博士太中初為太原李司空幕下掌書記以正言被斥貶朗州龍陽尉

石召

關

王勃

字子安絳州龍門人著作郎王福時之子三人勳勳勃皆有材名杜易簡稱為三珠樹勃高宗時對策高第未冠授朝散郎後補虢州參軍坐罪除名其父因左遷交趾令勃往坐度海溺米痿而死時年二十九

包佶

字幼正潤州延陵人集賢院大理司直包融之子擢進士第累官諫議大夫坐善元載貶嶺南劉晏起為汴東兩稅使晏罷以佶克諸道監鐵輕貨錢物使遷刑部侍郎改秘書監封丹陽公與已包何齊名世稱二包父融同之子并儲光義殷遙等十八人並有詩名殷番彙次為丹陽集

孟貫

廣陵人江南野錄載周世宗幸廣陵貫以詩一集獻之釋褐授官

僧虛中

關

儲光義

潤州延陵人天寶末為監察御史祿山及任偽宣賊平貶死按唐書載兖州人開元進士及第又詔中書試文章歷監察御史祿山及陷賊自歸

綦毋潛

荆南人字孝通開元中由宜壽尉入集賢院待制遷右拾遺終著作郎

韓愈

字退之鄧州南陽人唐書載其先蓋河東人年二十五於貞元八年壬申擢進士第張建封辟府推官遷監察御史貞元中貶山陽令元和初權知國子博士拜河南令遷職方員外郎再貶封溪尉復為博士遷刑部侍郎貶潮州刺史又改袁州刺史召拜國子祭酒穆宗轉吏部侍郎又為京兆尹兼御史大夫復為吏部侍郎韓文編年作長慶四年卒年五十七贈禮部尚書諡曰文唐書本傳作元和十四年卒年四十七

徐鼎

開元十七年

鄭常

肅宗時人常有謫居漢陽至白沙阻雨題驛亭詩又高仲武云儒衣荷葉老野飯藥苗肥足見



丘園之趣也

喻鳧

字坦之毘陵人開成進士第卒於烏程令唐書作在翻劉后村詩話作在蕃

景池

關

姚揆

劉方平

王貞白

號靈溪集

于良史

劉洵伯

河南人與元魯山善不仕邪襄公政會之後也蕭穎士云山東茂興有河南劉方平字有道五舉禮部登乾寧二年第後七年始選授校書郎薛能羅隱方干貫休同唱和詩

為張徐州建封從事

間氣集稱侍御

北夢瑣言郁伯與范鄴郎中為諸友范嘗得一句云歲暮天涯雨久而莫屬郁伯曰何不

百八生八外愁范甚賞之洵作耶

周繇

字為憲池州人登咸通進士第以明皇夢鍾馗賦知名調池之建德令李昭象以詩送曰投文得在而今少佩印還家古所榮弟繁亦工詩○按唐池州有至德縣非建德也五代人

王周

僧皎然

詩式村山

暢當

僧棲蟾

李敬方

孫欣

字畫一云吳興僧清畫字皎然按唐書皎然字清畫姓謝湖州人靈運十世孫居村山有

河東人進士擢第貞元初為太常博士後以果州刺史卒與弟諸皆有詩名太順中人

字中虔登長慶進士第大和中歙州刺史又台州刺史

關



張鼎

關

戎昱

登進士第衛伯玉鎮荆南辟為從事建中中為辰虔二州刺史京兆尹李鑾欲以女妻之命改

姓昱  
辭焉

姚倫

開氣集云肅代時人終揚州大都府曹參軍

溫憲

負外庭筠于信昭之間就試有司以文文刺時毀朝士抑而不錄後榮陽公登大用除趙崇知舉譚曰庭筠之子幸勿遺也於是成名

增註唐賢絕句三體詩法卷之二

文陽 周 弼 伯弼 選

高安 釋 圓至 天隱 註

東嘉 裴 庾 季昌 增註

實接

伯明曰絕句之法大抵以第三句為主首尾率直而無婉曲者此異時所以不及唐也其法非惟久失其傳人亦鮮能知之以實事實寓意接則轉換有力若斷而續外振起而內不失於平妥前後相應雖止四句而涵蓄不盡之意焉此其畧爾詳而求之玩味之久自當有所得

華清宮

驪山溫泉宮太宗所建玄宗天寶六載改名華清宮又於其間起老君殿左朝

增註

華清宮在唐闕內道京兆府生殿也昭應縣驪山下古驪戎國居於此故名○地理志太宗貞觀十八年營建御湯名湯泉宮高宗咸亨二年名溫泉宮明

元閣右長



皇天寶六年改爲華清宮北向正門曰津陽東曰開陽西曰望京南曰昭陽其中有瑞光殿飛霜殿九龍殿宜春亭朝元閣長生殿翺鼓樓重明閣芳風閣凡十八名又有石甕寺等華清宮治井爲湯池環山列宮室明皇雜錄云上新廣一湯制度宏麗安祿山自范陽獻玉魚龍鳧馬石梁石蓮華雕鏤猶如上帝悅命陳湯中每年冬十月行幸至明年春還官闕去卽與貴妃同輦華清有端正樓貴妃梳洗之處有蓮華湯貴妃澡沐之室置溫湯監隸司農寺監丞掌湯浣器物矣除供奉兩湯外別有更長湯十六所嬪御之類浴焉天寶十四年六月一日華清宮爲貴妃作正山其年十一月祿山反幽陵平原太守顏真卿遣李平問道奏時帝在華清反書聞失色

杜常

行盡江南數千程曉風殘月入華清華清自祿山亂後空宮希復巡幸故朝元閣上西風急

朝元閣上西風急寶七載老君降於朝其景如此

元閣改曰降聖閣程大昌雍錄曰長生殿齊殿也有事于朝元閣則齊沐於此殿蓋朝元閣乃祠玄元之所都入長楊作雨聲漢武修之以備巡幸在蓋屋縣東南三十里風作雨聲皆空宮凄凉之象也此詩蓋譏玄宗惑於神仙之事與秦皇漢武同遺迹荒涼俱爲後人感慨之具長楊華清相去道里遼遠况秦漢舊宮至唐惟未央尚在長楊已不在乃詩人寓言以託諷耳王建華清宮亦云武帝自知身不死看修玉殿號長生其譏意亦同但不若此詩語意含蓄增註江南指蜀江之南自蜀望長安爲情景混融耳

宮詞增註

古今詩話云王建宮詞百首皆言宮中事史傳小說多所不載若溪詩語建宮詞凡百絕天下傳播此體者雖有數家而建爲之祖耳

金殿當頭紫閣重仙人掌上玉芙蓉玉芙蓉玉盃也漢武故事日上

作承露盤仙人掌擎玉盃以取雲表之露和玉屑服之求不死三輔黃圖謂仙掌在甘泉宮通夫臺上按



古人挹注之器多作芙蓉。太平天子朝元日五色雲

如華清池中玉芙蓉是也。車或作中者非。駕六龍。五色雲車也。郊祀

被服非象神神不至。乃作畫雲氣車。甲丙戊庚壬日

各以其色駕之。甘泉賦。白於是乘輿。乃登鳳凰兮。騶

華芝駟蒼螭。今六素虬。注曰。六馬也。此篇乃全用甘

泉官事以刺世主。違禮而好怪禮。奇器不入官。君不

乘奇車。况作非禮之器。為服食以求不死。御鬼神之

車服。以活祀乎。辭惟序事而譏。自見此。杜元凱所謂

具文見意者也。人多以宮詞為情詩者。非也。按建官

詞百篇。有情者。有事者。有怨者。有刺者。指不一也。而

或者樂以情怨。增註。玉芙蓉。使信。春賦。芙蓉玉梳。武

說官詞誤矣。增註。明皇雜錄。載上為皇孫嘗此武

攸。暨武后曰。此兒當為太平天子。又在潘嘗私

謁。乃曲回撫其背曰。五十年太平天子。天子可自愛。

自一作身是三千第一名。三千者。官女之數。自此以下

內家叢裏獨分明。岸令欽教坊記曰。妓女入宜春院

坊。謂之。芙蓉殿上中元日。芙蓉殿。在曲江。水拍銀盤弄化生

唐歲時紀事曰。七夕俗以蠟作嬰兒形。浮水中。以為

戲。為婦人宜字之祥。謂之化生。本出西域。謂之摩睺

羅。今富貴家猶有此。已上皆自述昔日才寵如此。此

詩鑿說者。不一多。失作者之意。余觀薛能。吳姬詞。凡

八首。皆以女自喻。古詩多有此體。如妾薄命之類。是

也。蓋能早負才名。自謂當作文字官。及為將常快快

不平。歎賦詩以見意。此詩乃矜其少。增註。齊家天子

日。才望之盛。而不平之意。隱然言外。增註。齊家天子

內。又為大內。化生。金剛經。若化生。

已上共三首。例不。其句法相似。或字面相同。或第三句喚第四句

吳姬增註

薛許昌元集吳姬詩共八首。此其一。諸國之女。故婦人羨號。皆稱。姬。後物謂。衆妾為姬。

薛能

已上共三首

其句法相似。或字面相同。或第三句喚第四句。者。或不喚。而第四句。出其意者。或純似。景物。



者或景物中有人者但第二三句皆如是則聚為一類日已上若干首其首尾三句則不必同而又必篇篇聲勢輕重相似其揣摩稱停用心之精可謂細入於微非苟然者故不顯言其肯欲使觀者自得焉

歸鴈

錢起

瀟湘何事等閑回衡陽有回雁峯水碧沙明兩岸苔鴈至此不南去

二十五絃彈夜月漢書黃帝使素女鼓五十絃琴瑟聲悲帝禁不得破瑟為二十五絃

不勝清怨却飛來瑟中有歸鴈操詩意謂瀟湘佳景怨汝却飛來平又一說以二十五絃彈夜月為湘如鼓瑟詩意謂瀟湘佳境雁不應回乃湘瑟之怨不可

爾耳此詩人發與之言其說亦通

逢賈島

張籍

僧房逢著款冬華本草款冬華注出雍州南山出寺

吟行日已斜島初為僧名無本此詩有僧房出十二寺之語當是島未加冠巾時作

街中春雪遍鮑昭詩京馬蹄今去入誰家披張衡四

効楚詞以香草比君子以雪霏水深比小人此詩用其体以款冬華耐寒寂比島以春雪比小人以日斜比時昏而傷已與島未知所託也杜云增註款冬華風濤暮不穩捨棹宿誰門全用杜意

用為治嗽之最○十二街張衡西都賦左軌十二街衢相經注城門二面皆平正可齊十二車其中街衢互相經涉

江南春增註

杜牧

千里鶯啼綠映紅指楊子水村山郭酒旗風江以南南朝四百八十寺

多少樓臺烟雨中余觀本集此詩蓋牧之赴宣州時記道中所見景耳增註釋氏

載金陵舊來七百餘寺經復景亂焚蕩幾盡陳高祖修復已上共三首



別李浦之京

王昌齡

故園今在灞陵西

灞陵秦莊陽也文帝葬其上改曰灞陵在長安城東七十里

畔逢君醉不迷

呼別業為莊猶村唐人一

書寄數行啼

漁獵者少年放逸之習而小人之事也

繼以泣此仁人愛弟之情也孟子曰涕泣而道之也親之也此詩近之矣

題崔處士林亭

王維

綠樹重陰蓋四鄰  
青苔日厚自無塵  
科頭箕踞長松下

科頭不冠也管寧云吾嘗一日朝科頭三晨晏起張耳傳高祖箕踞罵之注曰謂伸兩脚其形如箕

看他世上人

阮籍能為青白眼見禮俗之士白眼對之

不著其

楓橋夜泊增註

間氣集作夜泊松江○楓橋在蘇州吳縣西十里有楓樹故名

張繼

月落烏啼霜滿天  
江楓漁火對愁眠  
夜半鐘聲到客船

霜夜客中愁寂故怨鐘聲之大早

辭說者不辨詩人活語乃以為實半夜故多曲說而不

知首句月落烏啼霜滿乃欲曉之候矣豈真半夜乎

子日周餘黎民靡有子遺信斯言也是周無遺民

也故說詩者不以文害辭不以辭害志斯亦然矣

寒山寺方輿勝覽載楓橋寺在吳縣西十里即繫此詩

于後○半夜鐘王直方詩話及遜齋閑覽並記歐陽公

譏張繼夜半鐘聲到客船之詩以為句則佳矣其如三

更不是撞鐘時乃云嘗過姑蕪宿一寺夜半聞鐘因問

寺僧皆云分夜鐘是怪乎又干鶴詩遙聽嶺山半夜

鐘白樂天詩半夜鐘聲後皇甫冉詩夜半隔山鐘陳

詩隔水悠揚午夜鐘



贈殷亮 殷亮陳郡人 在終刺史

戴叔倫

日日河邊見水流傷春未已復悲秋 九辨曰悲哉 秋之為氣也 山中

舊學無人住 叔倫舊宅今饒州薦福寺是也 來往風塵白頭 叔倫貞元中竟

為道士觀此詩見其雖處塵俗不忘山林

湘南即事增註 湘南屬長沙

盧橘華開楓葉衰 廣州記盧橘皮厚氣色如火 杜離夏熟土人呼為壺橘 出門

何處望京師沉湘日夜東流去不為愁人在少時 身不得去故怨水之去所以深傷已不能去也蓋叔倫事曹王於湖湘故有是作泰少游謫郴州有詞云郴江幸自遶郴山為誰流 增註 盧橘即枇杷也○九帝主下瀟湘去正用此意 所居之地為京師京大也師衆也言大衆之所聚會也○湘水源自全州湖嶺之間湘水貫之以瀟水合則為瀟湘以蒸水合則為

蒸湘以沅水合則為沅湘

送齊山人 韓翃

舊事仙人白兔公 抱朴子云白兔公彭祖弟子也 掉頭歸去又乘風 列子御風而行 柴門流水依然在一路寒山萬木中 增註 公或云赤松子之師常乘白兔往來人間○杜詩巢父掉頭不肯在在梅頭者於事不可之狀莊子鴻濛

批髯爵躍掉頭 曰吾弗知也

送元史君自楚移越 劉商

露冕行春向若耶 後漢郭賀為荊州刺史百姓歌曰 厥德仁明郭喬卿帝賜三公之服

使賀去簷露冕令百姓見以彰有德後漢鄭弘為臨淮太守行春有白鹿當道夾轂而行若耶溪在越州

野人懷惠欲移家東風二月淮陰郡惟見棠梨一樹華



詩甘棠陸機草木疏曰棠棠梨也昔召公听訟於棠樹下民思其德不伐其棠此詩以召公比元也增註行春續會記太守常以春行縣勸課農桑賑救絕乏○淮陰即唐楚州淮陰郡

**竹枝詞**

解題見劉禹錫詩註**增註**本楚聲閩州男女多唱李涉其流起於夜即竹節

**十二峰頭月欲低**十二峰在夔州平山縣**空零灘上子規啼**空

**孤舟一夜東歸客**難在歸州三峽**泣向春風憶建溪**建溪在

出武夷山涉骨瀟**增註**水經載空舸武陵故有是作**香山館聽子規增註**湘中別記云香山在縣郭西其

**香山館聽子規增註**

水甚香昔年嘗貢此水民多因

弊齊未廢罷湘鄉本謂之湘香蓋由此而名

**寶帶**

**楚寒餘春聽漸稀**華陽風俗記杜鵑春至則鳴聞者有別離之苦**斷猿今夕讓**

**沾衣**鳴長悲猿鳴至三聲聞者淚沾衣者謂猿

**雲埋老樹空山裏**雖悲入末若今及子規尤悲也**彷彿一聲一度飛**

**增註**楚塞指湘中蓋潭州古楚黔中地

**長慶春**

**徐凝**

**山頭水色薄籠烟**謂薄烟色如水**遠客新愁長慶年**長慶穆宗年號

**身上五勞仍病酒**陳無擇三因方曰五勞乃五藏之勞如酒色致屬此名瘵疾今人多

誤以瘵為勞**天桃窓下背華眠**

**官詞二首**

後首或以為杜牧之作

**王建**

**金吾除夜進儺名**應邵曰金吾也執金革以禦非常顏師古曰金吾鳥也執此象故以名官

**畫袴朱衣四隊行**此章皆隋官事隋用齊制季冬晦選樂人二百四十人為儺赤幘禱衣赤

布袴以逐惡鬼于禁中其日戌夜三唱儺集上水一隊**院院**刻皇帝御殿儺入春秋皆儺冬八隊春秋四隊



燒燈如白日南部新書曰除夜難入殿前然蠟燭如晝沉香火底坐吹笙

續世說太宗問蕭后階主何如后曰每除夜殿前設火

山數十每有一山焚沉香數車燭起數丈用沉香百餘車

太宗曰刺其盛增註職林秦中尉掌徽循京師備盜賊僕

奢心服其盛增註武帝更名執金吾古今註金吾金輻

唐有左右金吾衛上將軍增註月令季冬命有司大儺旁

樂注此月有厲鬼將隨強陰出害人故旁樂於四方之

門唐志太子季冬師假于堂贈大儺天子六隊太子二

隊方相氏左執盾道之唱平上二神名以逐惡

鬼鼓吹署令帥鼓角以助假子之唱假音正

銀燭秋光冷畫屏輕羅小扇撲流螢玉階夜色涼如水

三輔黃圖日明增註臥看牽牛織女星曹植九詠註日牽

光殿玉階金鴨增註星各居七月七日相會燭光屏冷情之所以生也

撲螢以戲寫憂也臨觀牛女羨之也蓋怨女之情也增註

穆天子傳穆王至崑崙山觀寶器有燭銀謂銀有光如

燭○元集流螢作飛螢賔退錄載此詩乃杜牧之秋

夕詩銀作紅玉作瑤

城西訪友人別墅增註城外聚雍陶

澧水橋西小路斜郭璞曰澧水出南陽日高猶未到君家村園

門巷多相似處處春風積殼華增註澧水在澧州澧

山似似橋而多刺

貴池縣亭子郡縣志貴池在池州梁昭明太子以其魚美封貴池杜牧

勢比凌歊宋武臺凌歊見詩分明百里遠帆開蜀江雪

浪西江滿強半春寒去卻來增註笺家以有

送隱者

無媒逕路草蕭蕭身古雲林遠市朝公道世間惟白髮

許渾



貴人頭上不曾饒

送宋處士歸山

賈藥修琴歸去遲山風吹盡桂華枝

一本作吹落桂華時詠隱者多

言桂蓋本招隱所謂桂樹叢生兮山之幽翫也

世間甲子須臾事

十日終縣

老人曰臣生正月甲子四百四十五甲子矣

逢著僊人莫看棋

述異記晉王質伐木

至信安郡石室山見數童子圍碁與質一物如棗核食之不飢局未終斧柯爛盡既歸無復時人詩意謂我世間人無久生之勢汝見僊人莫看碁恐出此時不更我矣

增註抱朴子云安期人莫看碁恐出此時不更我矣

世見之記已千歲

秋思

琪樹西風枕簟秋

呂延濟曰琪樹玉樹也然圖經云建康府寶林寺有琪樹則謂樹綠如玉

楚雲湘水憶同遊  
一曲掩明鏡  
昨日少年今日白頭

語思少年之時如昨日今日頭白矣言老之易也非真謂昨日少年而今日白頭不可以辭害意此與夜半鐘聲法同

黃陵廟

李遠

黃陵廟前莎草春  
黃陵女兒茜裙新  
輕舟短棹唱歌去  
水遠山長愁殺人

增註茜即倩字漢書千畝尼茜

贈彈箏人

風俗通云箏秦聲也或曰蒙恬所造五絃繁聲并涼一州箏形如瑟

增註

釋名箏施弦高箏箏然

温庭筠

天寶年中事玉皇  
曾將新曲教寧王

玄宗兄開元四年封寧王  
蚩金鳳皆零落

劉禹錫云河南房處士得善箏人而天作傷殊行日玫瑰寶柱秋雁行又温庭筠詩銅箏絃絕鴈行稀蓋  
鈿蟬者箏飾金鳳者箏柱也  
一曲伊州淚萬行



云天寶中西京節度蓋嘉  
**增註**貫休詩刻成筆在  
運進北庭伊州榜滿三曲  
相俟坡詞筆聲遠怨  
入參差鴈○地理志伊州在燉煌大磧之外漢明帝  
始取伊吾盧地未為郡縣貞觀初內附乃置州○開  
元二十四年外胡部樂於堂上而天寶樂曲皆以邊  
地名若涼州伊州并州熙州之類是也○開元傳信  
記云西涼州俗好音樂製新曲曰涼州開元中列士  
獻上召諸主便殿同觀曲終諸主賀舞踊稱善獨寧  
王不拜上問之曰此曲雖嘉臣有聞焉夫音者始於  
官散於商成於角徵羽莫不根祇於官商斯曲也官  
離而少徵商亂而加暴臣聞官君也商臣也官不勝  
則君勢卑商有奈則臣事僭異則逼下僭則犯上發  
於忽微形於音聲臣恐播述之禍悖逼之患兆於  
斯曲上默默然及祿山亂乃見寧王審音之妙

**韋曲**

韋杜二曲 **增註**在京兆城南韋家所  
皆在長安 居即漢未央殿基

**唐彦謙**

欲寫愁腸愧不才多情練漣低摧窮郊二月初離別

**獨倚寒村艷野梅**

此詩暗用王羲之事羲之嘗嘗晉亂終  
憂晉亂也按唐史云彦謙乾符末河南北盜起兩都復  
沒旅於漢南為王重榮參佐光啓末重榮殺死所謂練  
漣低摧者也故末句憂思之  
意悠矣見於辭諷之愈有味

**曲江春望**

西京雜記京城龍華寺南有流水屈曲  
謂之曲江秦時為宜春苑漢為樂遊苑  
唐開元中玄宗鑿池引水植華木為勝賞之地長安  
志曰在城東南南屏道坊三輔黃圖各宜春下苑  
**增註**唐康駢劇談曲江池本秦墜州開元中疏  
鑿遂為勝境南有紫雲樓芙蓉苑西有杏  
園慈恩寺寰宇記水

**杏艷桃嬌奪晚霞樂遊無廟有年華**

關中記漢宣帝  
立廟曲江之北  
名曰樂遊廟  
因苑為名  
**漢朝冠蓋皆陵墓千里宜春下苑花**

**鄴宮**

魏所建石氏慕容氏高氏  
皆居之此詩用石氏事之

**陸龜蒙**



華飛蝶駭不愁入水殿雲廊別置春曉白靚粧千騎女

白櫻桃下紫綸巾張揖曰靚粧謂粉白黛黑也白櫻桃有實白者有華白者唐人

所賦如干武陵白櫻桃詩是也實白者如郭義恭廣志曰櫻桃有三種有白色多肥者是也官中多植櫻桃如洛陽宮殿簿曰顯陽殿前櫻桃六株徵音乾元殿前並二株是也鄴中記曰石季龍常以女騎千人為鹵簿著紫綸巾熟錦袴詩意謂華飛春去不足愁別有春在即白櫻桃下千騎女是也

閩鄉上居地理志陝州閩鄉縣去州百七十里唐屬號州吳融

六載抽毫侍禁闈融昭宗時為翰林承旨可堪衰病決然歸五

陵年以如相問五陵長陵安陵陽陵茂陵平陵阿對泉頭一布衣自註

阿對是楊伯起家童嘗引泉灌蔬泉至今在之增註抽毫拔筆也魏魯殿中不依法按兵融昭宗時遷吳侍御史○禁闈漢制天子所居門閭有禁非侍御史之臣不得入官中小門曰闈

尤溪道中尤溪縣在

韓偓

水自潺湲日自斜李周翰曰潺湲流兒盡無雞犬有鳴鷓千村

萬落如寒食不見人烟空見華時泉州軍過後人家盡空致堯晚依王

見其後之景如此

已上共二十四首

丹陽送韋參軍增註職林有錄事六曹諸府及大司馬大將軍等參軍

嚴維

丹陽郭裏送行舟丹陽今鎮江一別心知兩地種心知猶言心友

日晚江南望江北寒鴉飛盡水悠悠增註丹陽郡屬潤州

寒食荆楚歲時記清明前二日謂之寒食韓翃

春城無處不飛華寒食東風御柳斜日暮漢宮傳蠟燭



燭光以傳火元稹所謂特勅宮中詔然燭是也唐輦下歲時記清明日取榆柳之火以賜近臣也

**青烟散入五侯家** 武原侯貝瑗東武陽侯左帽上蔡侯唐衡汝陽侯五人同日為侯世謂五侯自是權歸宦者朝政日亂唐自肅代以來宦者權盛政之衰亂作漢矣此詩蓋刺也本事詩謂增註詩話載德宗嘗司回奏有兩韓翊帝日青烟散入五侯家韓翊也

**上陽宮** 在東都洛城北增註在東都禁苑之東上元屯武后嘗居之增註置高宗之季常居以聽政按史高宗調露元年幸東都司農卿韋弘機作上陽宮臨洛水為長廊且三里宮成上移御之御史狄仁傑劾奏弘機導上為奢泰見官補龍初武后失位亦徙居焉

**愁雲漠漠草離離大掖勾陳處處疑** 西都賦曰周以勾陳之位注曰勾陳止王者法之以主行宮隋天文志勾陳六星在紫宮中故天子殿前亦有勾陳郊祀志武帝於建昌宮北沼大池曰大掖上陽

宮不應有太掖池然未央宮有漸臺而魯靈光亦有漸臺則上陽宮亦有太掖也

**薄暮毀垣春雨** 西征賦步駁稟垣今延佇之殘華猶發萬年枝方勺汴宅編云徽宗與枝上太平雀為題無中程者或密扣中貴答曰万年枝冬青樹也太平雀類加鳥也

**贈楊鍊師** 按此則鍊師嘗作練然魏李順興常著道士冠時人號為李鍊師則作鍊亦可

**紫烟衣上繡春雲** 唐代宗時李心乞為道士紫紫自此始

**清隱山書** 太洞玉經云清隱書在九華官

**小篆文** 史道書云碧篆之文紫庭之詔

**明月在天將鳳** 律曆志黃帝取於于解谷而吹之

**夜深吹向玉晨君** 經曰大上大道玉晨君真誥曰太上者道之子孫即玉晨大道君也

**增註** 秦李斯作蒼頡篇取周史籀大篆直文為小篆

**和孫明府懷舊山** 明府縣令也

**雍陶**



五柳先生本在山陶淵明門種五柳作五柳先生傳以自述淵明常為彭澤令故以此縣名

偶然為客落人間秋來月多歸思自起開籠放白鷗肅穎土白鷗賦序云白鷗羽族之奇處於雕籠致以馴馴將集長楊遊太掖予旅東陽適值至傳金威而賦之其畧曰越水清

今鏡色吳山遠今天碧與心賞分睽違念歸飛其何極詩意正類此謂已在山林之志拘而不遂猶白鷗困於籠故因已思歸起而縱之蓋穎土因物而感已增註江州志淵明本居山南之此詩推已以及物異而同者也增註上京後遺火徙居柴桑里  
○白鷗釋文形似雉凡華文而尾長

贈日東空禪師日東即日本也

鄭谷

故國無心渡海潮老禪方丈倚中條唐顯慶中王玄策使西域至毘耶城

維摩室以手板縱橫量得十笏故名方丈中條山在河中府虞鄉縣夜深雨絕松堂靜一點

山螢照寂寥增註維摩經毘耶離城中有長者維摩詰下夫之室能容三千師子座無所妨礙

旅懷

杜荀鶴

月華星彩坐來收嶽色江聲暗結秋半夜燈前十年事

一時和雨到心頭

已上共七首

寄別朱拾遺

劉長卿

天書遠召滄浪客滄浪客謂逐臣也楚詞滄浪之水澗兮可以濯我纓幾度臨岐

病未能江海茫茫春欲遍行人一騎發金陵金陵建康府楚

置金陵邑以地有王氣埋金鎮之或曰地按華陽金壇陵

題張道士山居

秦系

盤石垂蘿只是家回頭猶看五枝華山海經曰玉室山有木其華五衢

松間寂寂無烟火應服朝來一片霞列仙傳陵陽子食沉春食朝霞夏食沉



增註 五枝華道家打坐事  
見神仙傳有圖行世

寄李渤增註 渤字濂之李涉之弟隱嵩  
嵩 張籍

五渡溪頭躑躅紅 五渡溪在嵩山常建云仙人得道處蓋  
躑躅嵩山少室本草躑躅即杜鵑華

高陽寺裡講時鐘春山處處行應好  
躑躅華蜀人號曰歌山紅  
躑躅以此得名

月看華到幾峰 高陽有三十六峰  
增註 一名杜鵑華一名山石楠

南莊春晚 李群玉

草暖沙長望去舟微茫烟浪向巴丘  
千道志曰巴陵縣本漢下雋縣之巴

沉湘宋宋春歸盡水綠蘋香人自愁  
增註 沉水出將州入江湘水出金

長溪秋思 唐彦謙

柳短波長溪水流雨微烟暝立溪頭寒鴉閃閃前山去

杜曲黃昏獨自愁 已前共五首

隋宮 鮑溶

柳塘烟起日西斜 柳隋帝所種 竹浦風回鴈弄沙 楊州謂之竹西

煬帝春遊古城在壞宮芳草滿人家

綺岫宮 在東都永安縣西 增註 或曰唐後宮 云在五里頭慶三年置 驪山漢武帝止 玄宗嘗行幸山光甲 綺岫

王建

玉樓傾側粉墻殘重疊青山遠故宮武帝去來紅袖盡

武帝謂玄宗也天子崩謚曰某有功德在上廟號曰某宗以不遷之廟至漢猶然然則某宗者非謚也及唐則不論功德廟號皆曰某宗然臣稱其主猶或以尊號中下一字曰某皇帝如則夫稱太宗為文皇帝詩人稱玄帝為武皇帝是也至宋則直稱曰某宗 野華黃蝶領春風 無稱其皇帝者矣



送三藏歸西域增註三藏乃西域三藏法師法苑義林載經律論為三藏

十萬里程多少難沙中彈舌授降龍非公彈舌念梵語心經以授流沙之

龍五天到日應頭白五天者東西南北中天竺也月落長安半夜鐘頭應白者程之遠也半

夜鐘者思三藏之時也增註五天則天竺之五印度謂

已前共三首

長信秋詞漢班婕妤好大幸其後趙飛燕妒弟有寵

婕妤失寵飛燕謂之婕妤恐乃求共養王昌齡

奉帚平明金殿開秦帚酒掃也按婕妤賦云奉帚於東

且將團扇共徘徊婕妤團扇歌云常恐秋節至涼

玉顏不及寒鴉色猶帶昭陽日影來飛燕傳成帝立

與君問不及寒鴉猶得承昭陽日影增註按元集奉帚作

吳城覽古 陳羽

吳王舊國水烟空謂水香徑無人蘭葉紅西施採香徑

春色似憐歌舞地年年先發館娃宮館娃宮今靈

江南意 于鵠

閑向江邊採白蘋蘋還隨女伴賽江神衆中不敢分明語

暗擲金錢卜遠人卜

閑情 孟遲

山上有山歸不得古樂府藜藿何處去湘江暮雨鷓鴣

飛客思所蘼蕪亦是王孫草本草蘼蕪名蘼蕪招隱曰王

孫遊兮不歸春草生兮萋萋



莫送春香入客衣

曲江春草

鄭谷

華落江隄簇暖烟。雨餘草色遠相連。香輪莫輾青青破。留與遊人一醉眠。  
唐李紳歲時記上已賜宴曲江都人於江頭禊飲踐踏青草曰踏青此詩蓋節事發興

山路見華

崔魯

曉紅輕拆露香新。獨立空山冷映春。春意自知無主惜。恣風吹逐馬蹄塵。  
**已前共六首**

逢入京使

岑參

故園東望路漫漫。雙袖龍鍾淚不乾。  
坤蒼云龍鍾。行不進良。馬上相逢無紙筆。憑君傳語報平安。  
湘素雜記古有二聲合為一字者從

西域二合之音切字之原也龍鍾潦倒正如二合之音龍鍾切。瘡字潦倒切老字老羸瘠疾即以龍鍾潦倒目之者此義也。○酉陽雜俎李衛公言北都童子寺有竹一窠相傳寺細維每日報竹平安。

送客之上黨

韓翃

官柳青青匹馬嘶。  
陶侃傳都尉盜西門官柳官柳之名始此。向風暮雨入銅鞮。  
銅鞮縣屬潞州大平與國三年置成勝軍。佳期別在春山裏。應是人參五

葉齊

增註

本草人參生上黨晉而走者不喘高麗人作人參晉曰三椹五葉背陽向陰潞州太行山上圖經云初生小者一莖兩葉深生四椹各五葉狀類人兩莖入土如脚兩小莖垂下如手中有一身首有五葉象人有髮故曰人參又云參葉難得齊。

病中遣妓

司空曙

萬事傷心在目前。一身憔悴對華眠。黃金用盡教歌舞。



留與他人樂少年

此詩文死以爲韓混作

**增註**

漁隱叢話云富貴於人造物所

斬人至晚景得富貴不免置宅第售妓妾以償平生之不足如白樂天多少朱門鎖空宅主人到老不曾歸司空曙黃金用盡教歌舞留與他人樂少年二詩冷又愴然

華清宮

王建

酒幔高樓一百家宮前楊柳寺前華

風俗通曰尚書御史所止皆曰寺天

寶四載置百司於湯所故有寺

內園分得温湯水

雍錄云温湯在驪山之北去臨潼縣一百五十

步貞觀八年營宮殿明皇改華清宮益治湯井與貴妃遊樂自樂天所謂賜浴華清池也

二月中旬已進

作破者非瓜今從本集

瓜

唐置温湯監丞種瓜蔬隨時貢奉瓜夏熟者奉以悅婦人杜牧華清詩云一騎紅塵妃子笑無人知道荔枝來亦譏以口腹勞人也或問子說佳矣奈二月非瓜時答曰惟驪山温湯地暖可人力爲之按衛宏古文奇字曰秦始皇密令人種瓜驪山研谷中實成使入上書曰瓜冬有實乃詔諸生往

視因坑之然則温湯方冬已瓜矣何待二月

宣州開元寺

杜牧

松寺曾同一鶴棲

沉傳師爲宣州辟牧從事後又爲宣夜州判官此詩蓋再至時故作故曰曾同

深臺殿月高低何人爲倚東樓柱

爲倚猶言共倚也

正是千

山雪漲溪

或謂月色高低如千山之雪者非也此詩乃雪後月露登樓孤賞思昔日之歡遊而歎今夕之無宿

詳味詞意情思殊甚首句所謂同鶴棲者恐是與婦人同宿託名鶴爾唐人多如此退之園華巷柳李商隱錦瑟韓翃章臺柳皆是也

**增註**東樓在州治東

山行

遠上寒山石徑斜白雲生處有人家停車坐愛楓林晚霜葉紅於二月華



寄山僧

張喬

大道本來無所染，白雲那得有心期。遠公獨刻蓮華漏

猶向山中禮六時。遠法師取銅葉製為蓮華漏，置盆中，水一

沉為行，道之節。增註廬山集云：遠法師下僧惠要者，患山中無刻漏

暑景無差，○佛經晝夜六時。

寄人

張佺

酷憐風月為多情，還到春時別恨生。倚柱尋思倍惆悵

一場春夢不分明。

已前共八首

過南隣花園

雍陶

莫怪頻過有酒家，多情長是惜年華。春風堪賞還堪恨

纔見開華又落華。

宮詞

杜牧

監宮引出暫開門，隨例須朝不是恩。銀鑰卻收金鎖合

月明華落又黃昏。增註：監宮、宮阿監，妃嬪之老省。

漢江即馬貢，汙水源出，汙州貫，興元、金洋至襄郢而入江。

溶溶漾漾白鷗飛，綠淨春深好染衣。南去北來人自老

夕陽長送釣船歸。

寄維揚故人

張喬

離別河邊縮柳條。古樂府有折楊柳，多言別離之意。千山萬水玉人

遙。南史：謝晦謝混風流為江左第一。宋武帝曰：一時頗有兩玉人爾。月明記得相尋處



城鎖東風十五橋

楊州有二十四橋

**增註**

晉衛玠乘羊車入市見者以為玉人○楊

州舊十五橋後二十五橋

逢

一作送者非今從弘秀集

友人之上都

肅宗上元元年以京兆為上都

僧法振

玉帛徵賢楚客稀  
袂啼相送武陵歸  
潮頭望入桃華去

一片春帆帶雨飛

**已前共五首**

山中

顧況

野人自愛山中宿  
况是葛洪丹井西

葛洪井所在有之此詩乃題越州雲

庭前有箇長松樹  
夜半子規來上啼

詩意謂本愛山中宿况仙

境之勝然不可留者以庭樹啼鶯聲客思也蓋通翁藉人客越

**增註**  
晉葛洪字稚川嘗為勾漏令出丹砂遂煉丹羅

灣戶解又宜州杭州皆有葛洪丹井

酬曹侍御過象縣見寄

柳宗元

破額山前碧玉流  
騷人遙駐木蘭舟

騷人謂曹也述異記七里州中有魯

班列木蘭為舟至今在洲中詩家云木蘭舟出於此

春風無限瀟湘意  
欲採蘋華

不自由

採蘋華者喻自獻也左傳蘋蘩若藻可羞於王公蓋無限而拘於罪不自由也劉夢得詞云誰採蘋華寄取但目送蘭舟容與語意本此

宿武關

武關在商州商洛縣

**增註**

秦昭王會楚懷王開而囚之卒於秦即此

遠別秦城萬里游  
亂山高下入商州

商州有七般十關二繞其地險隘

門不鎖寒溪水  
一夜潺湲送客愁

題開聖寺

三禮寺 公心上

〇四十五



宿雨初收草木濃。群鴉飛散下堂鐘。長廊無事僧歸院。盡日門前獨看松。

宿虛白堂

李郢

秋月斜明虛白堂。

杭州圖經云虛白堂在舊治。

寒蛩唧唧樹蒼蒼。

江風微曉不得寐。二十五聲秋點長。

晴景

王駕

雨前初見葉間葉。雨後兼無葉底花。蛺蝶飛來過牆去。

王荆公改飛來作紛紛。卻疑春色在隣家。

社日

鵝湖山下稻梁肥。

鵝湖在信州鉛山縣西南十五里。昔有龔氏居山傍。鵝成羣。故曰鵝湖。

窄雞時半掩扉。

毛公曰。鑿扉而棲雞曰扉。

桑柘影斜秋社散。家家

扶得醉人歸。

自河西歸山

河西今涼州。

增註

唐羈糜州河西府屬諸胡十一府。

司空圖

水濶風驚去路危。孤舟欲上更遲遲。鶴群長遶三珠樹。

三珠樹山海經云在厭火國北。生赤水。上樹上有栢葉皆為珠。

不借閑人一隻騎。增註

陶詩祭祭三珠樹。注淮南子東北有玉樹如栢葉皆為珠。又禹填洪水。掘地有珠樹。

野塘

韓偓

侵曉乘涼偶獨來。不因魚躍見萍開。捲荷忽被微風觸。

瀉下清香露一盃。

已前共九首



歲初喜皇甫侍御至增註侍御即皇甫嚴維

湖上新正逢故人情深應不厭家貧明朝別後門還掩  
脩竹千竿一老身

送魏十六

皇甫冉

清夜沉沉此送君陰蛩切切不堪聞顏延年詩陰蛩歸

舟明白毘陵道毘陵常州回首姑蘇是白雲增註秋仁傑見白雲

孤飛日吾親舍其下

送王永

劉商

君去春山誰共遊鳥啼華落水空流如今送別臨溪水  
他日相思來水頭

醉楊八副使赴湖南見寄增註事文類聚載大宋時

兼支度管山招討經畧使有副使判官各一人諸副使始此

劉禹錫

知逐征南冠楚材晉杜預為征南將軍以其正使楊為副使故逐也左傳楚雖有材晉實安用之

遠勞書信到陽臺陽臺巫山明朝若上君山壑君山在岳州洞庭湖中

一道巴江自此來夢得時謫朗州巴江此吹經帆然後至此

逢鄭三遊山

盧仝

相逢之處置茸茸峭壁積峰千萬重他日期君何處好

寒流石上一株松

重贈商玲瓏兼寄樂天

元稹

休遣玲瓏唱我辭我辭多是寄君詩勝說云商玲瓏為杭州歌者樂天作



郡日賦歌與之元微之在越厚餘邀至月  
餘使盡歌所謂之曲作詩送行兼寄樂天  
明朝又向江頭別  
月落潮平是去時

採松華

姚合

擬服松華無處學嵩陽道士忽相教  
今朝試上高枝採  
不覺傾翻仙鶴巢

哀孟寂

張籍

曲江院裏題名處慈恩寺也在曲江杏園唐章趙及第偶於慈恩寺鴈塔題名後人效之遂成故事  
十九人中最少年唐進士登科記孟寂乃中書舍人高郢所取第十六名其年進士十七人  
今日風光君不見君不見者不見君也  
杏華零落

寺門前唐及第進士賜宴杏園

患眼

三年患眼今年較免與風光便隔生  
昨日韓家後園裏  
看華猶自未分明

感春

遠客悠悠任病身  
誰家池上文逢春  
明年各自東西去  
此地看花是別人

西歸出斜谷

雍陶

行過險棧出褒斜褒斜谷在興元府褒州記曰南口曰褒北口曰斜斜谷道至鳳州界百五十里有棧閣二千八百八十九間  
出盡平川似到家  
無限客愁

今日散馬頭初見米囊花本草米囊果一名米囊陶嘗刺史簡州故有是作



宿嘉陵驛

嘉陵驛在利州

增註

嘉陵屬四川鳳州路江名山水志其源出大散關

離思茫茫正值秋每因風景卻生愁今宵難作刀州夢

晉王濬夢懸二九於屋梁須臾又益一九者明府其臨益州果遷益州 月色

江聲共一樓

醉後題僧院

杜牧

舫船一棹

或作棹今從洪遂本

百分空

角船酒盃一棹百分空者一舉無餘

十歲青

春不負公

古人多自稱曰公如憐公之類是也

今日鬢絲禪榻畔茶烟輕

颺落華風

增註 飭姑橫切釋文角為酒器受七外詩失禮詩兒飭其解唐裴均僕射大宴巡官裴弘泰盡座上小爵至飭船凡飲皆

颺即此字或作航者非

經汾陽舊宅

郭子儀其汾陽去長安志郭汾陽宅在親仁里居其里四分之二

趙嘏

門前不改舊山河

漢書封功臣之誓曰使黃河如帶大山若砥國以永存延及晉裔 破

虜曾輕馬伏波

馬援為伏波將軍言子儀平安史吐蕃之亂再造唐室伏波未足比也 今日

獨經歌舞地古槐疎冷夕陽多

張籍法旌寺東樓詩云汾陽舊宅今為寺猶有

當時歌舞樓四十年來車馬路古槐深巷暮蟬愁觀此則宅已為寺矣然所謂郭氏子孫富貴封爵至開成後猶不絕則其宅不應在貞元元和中已為寺也然郭曜傳云盧杞秉政多論奪郭氏田宅德宗稍聞乃詔曰子儀有大勳當誓山河琛金石自今有司毋得受按此詔雖禁有司論奪未嘗以已奪者還之也豈宅為寺在此時乎夫以子儀之勳亦未寒而不保其室德宗待功臣何薄耶故此詩第一第二句深致意焉

十日菊

鄭谷

節去蜂愁蝶不知曉庭還繞折殘枝自緣今日人心別

未必秋香一夜衰



老圃堂

薛能

邵平瓜地接吾廬蕭何傳邵平故秦東陵侯秦破平為布衣種瓜城東瓜數世謂東陵瓜  
穀雨乾時偶自鋤昨日春風欺不在就床吹落讀殘書

偶興

羅隱

逐隊隨行二十春曲江池畔避車塵唐進士賜宴曲江杏園隱屢舉不第  
故日避人如今贏得將衰老閑看人間得意人詳此詩蓋為白馬之禍作也史謂隱屢舉不第唐二依錢氏李振亦屢舉不第及在朱温篡唐盡取名士殺之白馬津曰此輩自謂清流可投之濁流得意人蓋指名士也詩意謂當時曲江池畔彼皆得意我二十年避其車塵豈料今日我以不第獨存乃及見其受禍也第二句贏得二字殊有意焉

悼亡妓

朱褒

魂歸漠漠魄歸泉只住人間十五年昨日施僧裙帶上

唐人亡者遇凶且則以亡者衣物施僧事見唐楊氏喪儀魂氣歸于天體魄復于地○琵琶胡中樂釋名推手向前曰琵琶却手向後曰琵琶

已上共十八首

送元二使安西

安西都護府在龜茲武后所置

增註

唐安西都護府康居小君長

鄴王故地貞觀中置安西都護府於四州又置安西都尉

王維

渭城朝雨浥輕塵客舍青青柳色新渭城在咸陽東北故杜鄴也勸

君更盡一盃酒西出陽關無故人輿地廣記陽關在沙州壽

昌縣西六里

增註

陽關漢於燉煌郡龍勒縣作陽關玉門關唐龍門關王維此詩後人因以聲曲歌之謂之陽關曲按東城詩話云舊傳陽關三疊今世歌者每句再疊而已若通一首言之又



是四疊皆非是或每句三唱以應三疊之說則叢然無復節奏  
余在密州有文勛官長者以事至密自云得古本陽關其声宛  
轉凄斷不類向之所聞每句皆再唱而第十句不疊乃知古本  
三疊蓋如此及在黃州偶讀樂天對酒詩云相逢且莫推辭  
听唱陽關第四聲注云第四聲勸君更盡一杯酒以此驗之若  
第一句再疊則此句為第五句今為第四聲則第一句不疊審矣

三月晦日贈劉評事

增註 職林評事屬大理卿漢  
置廷平掌平決訟獄魏

晉以來謂之延尉評階置評事  
後廢唐復置今大理寺有評事

賈島

三月正當三十日風光別我苦吟身共君今夜不須

睡未到曉鐘猶是春

增註 風光元作春光  
曉鐘元作五更

武昌阻風

方澤

江上春風留客舟無窮歸思滿東流與君盡日閑臨水

貪看飛華忘却愁

已亥歲

廣明元年 增註 按唐二百八十九年間有四年已亥  
元年 武后聖曆二年已亥肅宗乾元二

年已亥憲宗元和十四年已亥此已亥歲詩以詩人  
曹松之時攷之當是僖宗乾符六年按更是歲冬黃  
巢在嶺南士卒疫死什三四其從勸之北還以圖大  
事十一月北趨襄陽山南東道節度使劉巨谷與江西  
招討使曹全最合兵拒破乘勝逐至江陵或勸巨谷  
窮追賊可盡也巨谷曰國家喜貴人有意則存撫將  
士不愛管賞事寧則棄之或更得罪不若置賊以為  
富貴之資衆乃止由是賊勢復振轉掠饒信池宜歙  
杭等十五州衆至二十方明年陷東京  
遂入長安僭號大齊改元金統車駕幸蜀 曹松

澤國江山入戰圖

增註 時巢賊  
亂江淮

生民何計樂樵樵 史記樵  
樵後廢

憑君莫話封侯事一將功成萬骨枯

增註 澤國一作南  
國指黃巢所

掠荆楚江淮浙右等處此詩末二句  
恐指劉巨容所謂以賊為富貴之資也

已前共四首

○虛接

周弼曰謂第三句以虛語接前一句也亦有語雖實  
而意虛者於承接之間畧加轉換及與正相依順與



迥相應一呼一喚官商自諧如用千鈞之九而不見形迹繹而尋之有餘味矣

伏翼西洞送入增註漳川府路長寧軍冷水溪上有小桃源在伏翼之西

陳羽

洞裏春情華正開看華出洞幾時回殷勤好去武陵客莫引世人相逐來此既出復乘路迷其所矣

題明慧上人房

秦系

簷前朝暮雨添華八十吳僧飯熟麻人定幾時還出定不知巢燕汚袈裟增註本草胡麻一名巨勝狀如狗虫莖方服之輕身不老

寄許鍊師

戎昱

掃石焚香禮碧空露華偏濕蕊珠宮黃庭經云仙宮在寥陽之殿蕊珠之宮

如何說得天壇上萬里無雲月正中增註呂洞賓詩鶴觀

天壇槐影裏悄無人迹戶長扃又天壇山名在河東南路平陽府北界

秋思

張籍

洛陽城裏見秋風欲作家書意萬重復恐忽忽說不盡行人臨發又開封

懷吳中馮秀才

杜牧

長洲苑外草蕭蕭寰宇記蘓州長洲縣吳長洲苑也圖經曰在西南七十里孟康曰以江水洲為苑却筥遊程歲月遙唯有別時今不忘暮烟秋雨過

楓橋



念昔遊

李白題詩水西寺水西寺在宜州涇縣古木回巖樓閣風半醒  
半醉遊三百紅白華開烟雨中

寄友

李群玉

野水晴山雪後時獨行村路更相思無因一向溪橋醉  
處處寒梅映酒旗

經賈島墓

島為普州司戶卒墓在遂州長江縣

鄭谷

水繞荒墳縣路斜耕人訝我久咨嗟重來兼恐無尋處

落日風吹鼓子華鼓子華今米祥根華或以為牽牛華者非也按本草牽牛華如鼓子華明

牽牛非鼓子也詩意謂登時今日落日風華可吊恐重到時兼無尋處矣所以久嗟

修史亭

司空圖山居記日中條五峰峯頗然會昌毀佛宮因為我有本名王官谷易之日禎陵溪乃刻大悲像構亭其右日擬繪志其所著也擬繪之右亭日修史亭所職也

司空圖

烏紗巾上是青天指巾上之天以自誓檢束酬知四十年檢束此身

以醉知已按北夢瑣言圖為王文公疑所知後分司又為舊相盧公所知誰料平生臂鷹手南史張克方出獵左

雁鷹右牽狗挑燈自送佛前錢詩意謂四十年中欲以誰料豪俠之志無所施遂反

心以修於外香火之事乎

答韋丹增註

韋丹字文明京兆万年人孤從外祖顏真卿學權明經調安遠今後復舉五

僧靈徹

年老心閑無外事麻衣草坐亦容身相逢盡道休官去

林下何曾見一人丹鎮江西嘗以詩寄靈徹云王事紛紛無暇日浮生冉冉只如雲已為平子

經高峯歷化至江南西道觀察使卒年五十八



歸休計五老峯前必共君微公此答蓋譏其  
內懷祿外能言耳後丹竟失位以得難憂死  
雲溪友議歐陽公以謂相傳作理諺慶曆中因  
修江岸得此石於池陽江中始知為靈徹詩

已前共十首

九日懷山東兄弟增註 坡山東二百郡注今河  
北晉地太行山之東也

王維

獨在異鄉為異客。每逢佳節倍思親。遙知兄弟登高處。

續齊諸志費長房謂桓景九月九日汝家有災急令家人縫絳囊盛茱萸黃絲礮上登高飲菊華酒此禍乃消九日登高起於  
此遍插茱萸少一人舊史補維開門友悌事母孝觀此詩信矣維作此詩年十七

葉道士山房

顧况

水邊楊柳赤欄橋。洞裏神仙碧玉簫。近得麻姑書信否。

顏魯公麻姑壇記王方平過蔡經家遣人與麻姑相聞有頃人夾日麻姑再拜不見已五百年俄麻姑至乃是年十八九許好溥陽向上不通潮潮至溥陽而回詩意謂道女子勝覽麻姑山在城西南十五里有仙都觀乃蔡經宅麻姑王方平所會處○溥陽屬江州

宿昭應增註

武帝祈靈太乙壇武帝謂玄宗漢書亳人繆忌奏祠太乙壇天子許之吟太祝領祠之於忌太乙

新豐樹色遶千官驪山古驪戎國秦曰驪邑漢祖徙里民實之命曰新豐玄宗分置會昌縣

那知今夜長生殿見杜常詩註 獨閉空山月影

意與杜常華 增註 漢書新豐在京兆高祖七年置應昭曰太

寺街里以象豐徒豐民以實之故曰新豐○澗泉說云昭應即漢武帝太乙壇也愚按唐昭應縣在驪山下本新豐華清宮在此天寶元年更驪山曰會昌山三年以縣去官遠祈新豐方年置會昌縣七年省新豐更會昌縣及山曰昭應恐非創武帝太乙壇也



江村即事

司空曙

罷釣歸來不繫船。江村月落正堪眠。縱然一夜風吹去，只在蘆花淺水邊。

宮人斜

葬官人之處也。退朝錄及秦京雜記並云：長安舊墻外長三里，日宮人斜，風用夜多聞歌哭聲。

後官嬪死，最家日斜。

雍裕之

幾多紅粉委黃泥。野鳥如歌又似啼。應有春魂化為燕，年年飛入未央樓。  
未央宮高祖七年蕭何造。杜詩：杜陵草堂。

過春秋峽

或云在彭城以汴泗二水交流，因以名峽。

劉言史

峭壁蒼蒼碧色新。無風情景自勝春。不知何樹作幽崖。裏臘月開華似北人。  
似者呈似之似猶言向也。言史北人南遊見景。

候之異不能無感。劉長卿云：江華獨向此，人愁亦同此。意但用被愁字，則不啻畫有餘味矣。

初入諫司喜家室至

增註：秦始皇置諫院，又置諫大夫。漢至隋並置。煬帝廢唐復置。貞觀分為左右，又武后置左右補闕左右拾遺，以掌供奉諷諫。即左右司諫之官。今諫院有司諫等官。

復置貞觀分為左右，又武后置左右補闕左右拾遺，以掌供奉諷諫。即左右司諫之官。今諫院有司諫等官。按：竇群，德宗朝嘗為左拾遺。

竇群

一旦悲歡見孟光。隱士梁鴻妻字孟光。十年辛苦伴滄浪。不知

筆硯緣封事

王朱日言事欲密故封以達。

猶問備書日幾行

後魏蔡亮家貧。

備書自給詩意謂吾妻不知我今已有官守言貴猶以貧賤時視我蓋群初為處士隱昆陵草夏卿以立園茂異薦之，不報至夏卿尹京復薦左拜拾遺御史。此妻所以十年辛苦伴已於滄浪也。然群處士而以窮通為悲歡，纔得一拾遺則對妻誇喜，情見於辭夫豈真隱者邪？  
增註：後漢孟光德行甚高，隣里多求光，且未路以反覆，敗死也。輒不肯擇對，至三十一父母問其故，曰：得賢如梁伯鸞者，可也。馮聞而娶之，字曰德耀，共隱霸陵。此



寄襄陽章孝標增註

襄水之陽魏置襄陽郡西晉為荊州治所西魏改襄州唐

山南道襄州襄陽郡宋外府今屬京西路

雍陶

青油幕下白雲邊

宋劉禹與顏竣書曰朱脩之三代叛兵丁朝居青油幕下作謝宜明向人注青

油幕謂將幕也以青油縑為之襄陽乃節度府孝標時為從事

日日空山夜夜泉關說小

齊多野意積華陰裏麝香眠

杜詩麝香眠石竹注日鹿也又日鳥名也增註

漢衛青征匈奴大克帝即幕下拜大將軍今幕下所屬官謂之幟官蓋始於此韓詩談笑青油幕

舊宮人

劉得仁

白髮宮娃不解悲滿頭猶自插華枝曾緣玉貌君王寵  
準擬人看似舊時

小樓

儲嗣宗

松杉風外亂山青曲几焚香對石屏記得去年春雨後  
燕泥時污太玄經

楊雄作太玄經

宮詞

王建

樹頭樹底覓殘紅一片西飛一片東自是桃華貪結子

錯教人恨五更風

此篇蓋此而興也殘紅色衰也東西分飛君與已相背也貪慕也結子有

寵有成也五更風君心之飄忽也詩意謂使我不能結子而入宮則安有今日之愁不可恨君也色衰寵去矣然惟自怨其初也荆公甚愛此詩

祇役遇風謝湘中春色

熊孺登

水生風熟布帆新  
只見公程不見春  
應被百華撩亂笑  
比來天地一閑人

顧憚之嘗借殷仲堪布帆遭風大敗憚之與仲堪書曰行人安穩布帆無恙



過勤政樓

玄宗於宮西置樓其西曰華萼相輝之樓南曰政務本之樓雍錄云勤政樓臨朱雀東第

四街

杜牧

千秋佳節名空在承露絲囊世已無玄宗紀以降誕馬

唯其百條於華萼樓有紫苔偏稱意得意猶年

年因雨上金鋪三輔黃圖注曰金鋪者扉上有金華

送客

李群玉

沅水羅紋海燕回沅水在辰州沅陵西柳條牽恨到荆臺荆臺在江

定知行路春愁裏故郢城邊見落梅杜佑

荆臺前此也日江陵楚之郢地秦分置

靈巖寺增註

方輿勝覽云靈巖山在蕪州城西二十四里又名視石山其主別苑在焉有館姓

官又云靈巖寺在吳縣西

趙嘏

館娃宮畔千年寺按孫觀記梁天監中以吳水濶雲多

客到稀聞說春來倍惆悵百華深處一僧歸

柳枝增註

按薛能本集柳枝詞序云乾符五年為許州刺史史與幙中談賞酬飲酣酣於郡園因令

部妓小女作楊柳枝健舞復賦其詞尤可聽者為五絕名楊柳枝新芭此也

和風烟雨九重城夾路春陰十萬營細柳原在長安縣西北周亞夫營

惟向邊頭不堪望一株憔悴入行

自遣

自注云自遣詩者震澤別業之作故病未平厭厭眠甲舍中農夫以耒耜相聒夜亦不睡百端

興懷思益無緒因作四句詩畧二十絕

陸龜蒙

數尺遊絲墮碧空年年長是惹春風爭知天上無人住



亦有春愁鶴髮翁意謂遊絲者天上愁人白髮墮也此蓋放言自遣非有實事觀題及自注

可增註更信賦云老矣矣鶴髮雞見杜詩清秋鶴髮翁

華陽巾巾譜云如於陶隱居

蓮華峰下得佳名蓮華峰在華山雲褐相兼上鶴翎須是古

壇秋霽後靜焚香炷禮寒星增註華山頂有千葉蓮華服之羽化

秋色 吳融

深不成乾葉未消霏霏拂拂又迢迢曾從建葉城邊過

蔓草寒烟鎖六朝 已前共二十九首

酌李穆增註李穆即劉長卿之婿 劉長卿

孤舟相訪至天涯萬轉雲山路更餘欲拂柴門迎遠客

青苔黃葉滿貧家李穆自發桐廬寄劉員外云處處雲山無盡時相廬南望更參差舟人莫道新安近欲上潺湲行身退故長卿以此答之時長卿在歙

休日訪人不遇增註休沐也漢制五日一休沐又暇日曰休 韋應物

九日驅馳一日閑尋君不遇又空還怪來詩興清人骨

門對寒流雪滿山

湘江夜汎 熊孺登

江流如箭月如弓行盡三湘數夜中無奈子規知向蜀

一聲聲似怨春風成都記蜀望帝死化爲鳥名杜鵑聲低怨

贈侯山人

一見清容慙素聞有人傳是紫陽君太翁君傳在紫陽左公大梅仙伯

三體詩 卷七



山玄卿周義山  
皆號紫陽真人  
來時玉女裁春服  
剪破湘山幾片雲  
在泉州郡治後

馮情

李益

水紋珍簾思悠悠  
千里佳期一夕休  
從此無心愛良夜  
任他明月下西樓  
舊史謂益有疾瘵散反疏所以防妻妾觀此詩悲悽云怨別則不得於妻妾而作可

竹枝詞

集中竹枝詞引日余來建平中兒聯歌竹枝吹笛擊鼓以赴節含思宛轉有淇奥之艷故余

按禹錫傳憲宗立王叔文等敗禹錫貶朗州司馬州按夜郎諸夷風俗陋甚家喜平鬼每祠歌竹枝鼓吹斐回其音徐儂禹錫謂屈原君沅湘間作九歌便楚人以迎送神乃倚其聲作竹枝詞十餘篇於是武陵夷但悉歌之

劉禹錫

日出三竿春霧消  
江頭蜀女繫蘭橈  
欲寄狂夫書一紙

家住成都萬里橋

萬里橋在浣花溪東昔諸葛孔明送吳使至此日万里之行從此始矣因

聽舊宮人穆氏歌

曾隨織女渡天河

齊諸志桂陽城武十謂其弟曰七月七日織女當渡河吾向已被否此詩借用

記得雲間第一歌  
休唱貞元供奉曲  
貞元德宗年號當時朝

士已無多  
夢得貞元時入比元和初識三十四年左歸故有是語

訪隱者小遇

竇鞏

籬外涓涓澗水流  
樵華半照夕陽收  
欲題名字知相訪  
又恐芭蕉不耐繩  
古人多喜畫芭蕉畫如懷素種芭蕉供筆是也

重過文上人院

李涉



南。隨。越。鳥。北。燕。鴻。松。月。三。年。別。遠。公。以還公以文上人無。限。  
心。中。不。平。事。一。宵。清。話。又。成。空。

題鶴林寺在鎮江

終。日。昏。昏。醉。夢。間。忽。聞。春。盡。殘。登。山。因。過。竹。院。逢。僧。話。  
又。得。浮。生。半。日。閑。鶴林寺在潤州黃鶴山舊名竹林寺宋高祖常遊此寺有黃鶴飛凡以名

宮詞

李商隱

君。思。如。水。向。東。流。往而不還得。寵。憂。移。失。寵。愁。莫。向。樽。前。  
寒。華。落。古樂府有梅華落曲其詞云念爾零落逐風塵徒有霜華無霜實涼。風。只。在。殿。西。

頭。班婕妤云切悲涼風至吹我玉階樹君主恩未畢零落在中路蓋以涼風喻寵衰而冷落此詩用之殿西頭者言近而易至也  
將。赴。吳。興。登。樂。遊。原。吳興統紀歸命侯寶鼎元年分吳郡立吳興郡杜。牧

清。時。有。味。是。無。能。閑。愛。孤。雲。靜。愛。僧。欲。把。一。麾。江。海。去。

顏延年詩屢薦不入官一麾乃出守麾斤也自此詩誤以旌麾之麾至今襲其詞樂。遊。原。上。望。昭。陵。  
昭陵在醴泉縣西太宗所葬西京記唐太平公主於樂遊原上置宮四望舊史云收自負才思兒悰隆盛於時而收居下位心常不樂望昭陵者不得志於時而思明君之世蓋怨也首言清時及辭也

鄭瓏協律

瓏乃度之孫增註事文類聚漢置協律都尉為協律郎晉。改。協。律。校。尉。後。魏。有。

協律即唐協律郎二人今太常亦置此官六典載掌和六律六呂以辨四時之氣八風五音之節若祭祀燕享奏樂于庭則外堂執麾以為之節制樂之廢鼓柷而樂作偃麾廢鼓而樂止

廣。文。遺。韻。留。樓。散。鄭度為廣文館博士杜甫云鄭公樓散髮成絲此用之謂瓏猶有乃祖舊散遺韻  
雞。犬。圖。書。共。一。船。自。說。江。湖。不。歸。事。阻。風。中。酒。過。

年。年。增。註。莊子云吾有大木人謂之樗曲榘櫟社其大蔽乎匠者不斲也魏。徐。邈。字。景。山。為。尚。書。郎。時。禁。酒。



贈魏二十七

李群玉

名。徒。似。玉。淨。無。瑕。美。譽。芳。色。有。數。車。莫。發。酸。光。高。二。丈。

唐遺史云江淮間術士姓吳有術者與之術士曰公頭上酸光高二丈必登高第來年燒殺杏

園華唐進士及第增註秦中記唐進士杏園初會謂之探

名園若他人先折得名華則上三人被罰杏園在曲江

湘妃廟

少將風月怨平湖謂二女從舜不及沉湘而死故怨平湖風月也見盡扶桑水

到枯十州記扶桑在碧海中見扶桑之相約杏華壇上去

畫欄紅紫聞榜蒲樗蒲殿子博也范攄雲漢友議曰李群

雲甫之遊段成式戲之曰小意足下是盧舜之辟陽侯劉潛夫云古人叙奇遇之事猶託之他人如元稹鶯鶯託之張生至半

增註

十州記碧海中樹長千尺一千餘圍而兩餘同

僧孺周秦行記李群玉黃陵廣詩則直攬歸已各檢掃地矣

已前共十五首

用事

周鼎日詩中用事既易筆寒况於二十八字之間尤難堆疊若不融化以事為意更加以輕率則於里語若歌可擊竹而講矣凡此比自用事之妙者也

秋日過負太祝林園增註

志太祝六人掌出納神玉祭祀則跪讀祝文今太常寺有太祝

李涉

望水尋山二里餘竹林斜到地僊居

魯康與七賢遊於東北五十里崇明寺是其地顯愷之曰鮑觀通靈士也徐寧師之夜聞琴怪問之觀曰叔夜寧曰稔留命東地何得在此觀曰

叔夜迹示終而實尸解故此秋光何處堪消日玄晏先生詩謂之地仙蓋以中散比負



滿架書

皇甫謐號玄晏先生，好讀書，人謂之書淫。士遊於名山，謂之地仙。士先死，後脫謂之尸解。

增註

抱朴子按仙經云：上士舉形昇虛，謂之天仙。

長安作

宵分獨坐到天明，又策羸驂信脚行。每日除書雖滿紙，不曾聞有介推名。

奉誠園聞笛

唐史：馬燧之子，暢以第中，太杏餉，實又場文場以進。德宗、德宗未嘗見怪之。中使封杏樹，暢懼進，宅為奉誠園。雍錄云：在安邑坊內。

寶牟

曾絕朱纓吐錦茵

司馬彪：戰鬼曰楚莊主賜，羸臣酒日暮，取火視絕纓者。王曰：今已飲不絕纓者，不懼君臣百官皆絕纓，然後出。火漢因古御史醉嘔車上，曹吏白，在之吉。日第恐之，不過汚丞相。欲披荒草訪遺塵，秋風忽灑西園淚。

魏志陳思

王置西園於鄴，與諸才子夜遊賦詩，故劉楨於王去後作詩云：步出北寺門，遙望西苑園。乖人易感動，涕下與衿連。

山陽笛裏人

向秀思舊賦：序曰：余與嵇康、呂安居止相近，後追思曩昔宴遊之好，感音而歎。山陽今懷州，修武縣。舊史謂馬暢自父死後，屢為豪幸，邀取才產，末年妻子凍餒無室，可居。余觀德宗播越，非馬遂幾亡，不能解其孤，又奪其財，業使之失所。此故史之所以傷也。通鑑載：大曆十四年，德宗初即位，疾將師，治第奢麗，命毀馬璘第，乃命馬氏獻其園為奉誠園者，誤也。按新舊史皆言奉誠為馬暢園，盧氏雜記亦云：馬燧宅為奉誠園，而舊史載其本末尤詳。璘家所獻乃山池也，通鑑誤以山池為奉誠耳。

冬夜寓懷寄王翰林增註

翰林學士前代無之，唐待詔翰林後召集賢學士，草書且此在翰林。承平時工藝書畫之徒，林待進士，因名，今有翰林文士等官。

寶岸

滿地霜無葉，下枝幾回吟。斷四愁詩，張衡作四愁詩，皆懷賢之意。漢家若欲論封禪，須及相如未病時。史記：天子日相如病甚，張敖悉取其書使



所忠往相如已死家無遺書妻曰長卿未死時為書一卷曰存  
使來求奏之言封禪事所忠以奏天子異之余謂封禪秦漢心  
後既非古禮而相如至死不忘獻護夫豈忠臣而其以自比或  
以此人此唐儒之陋也韓退之亦上表勸封禪又數自謂希相  
如退之儒宗猶增註漢郊祀志齊人丁公曰封禪者古祭禮之  
爾知庶何議焉增註名也又錄玉曰封除地曰禪古者巡狩至  
于四岳則封大山而祭  
天禮小山而祭山川

### 焚書坑

在驪山始皇焚書坑儒於此增註按始皇三十四年李斯

今而學古以非當世惑亂黔首臣請史官非秦記皆  
燒之天下有藏詩書百家語比自誦守尉雜燒之又盧  
生侯生謀曰始皇剛戾不可求仙乃亡去始皇怒按  
之四百六十餘人坑之咸陽又始皇密令種瓜驪山研  
谷瓜冬實詔諸生往視為  
伏機填之以此百壓死

### 章碣

竹帛烟消帝業虛古以竹帛為書關河空鎖祖龍居  
史記明年祖龍死蘇林曰祖始也龍君象謂秦始皇死  
坑灰未冷山東亂劉項元來

### 不讀書

陳勝起亂發山東劉項繼之遂滅秦高祖云馬上安  
事詩書項羽亦云書足記姓名而已不讀書一公皆  
不讀書者也

### 增註

機言關河空鎖

### 赤壁

在鄂州蒲圻縣增註赤壁在鄂州江夏蒲圻西  
西北百二十里漢間言赤壁者五漢陽漢川黃州嘉魚江夏惟江夏之  
說為近東坡赤壁賦乃黃州之赤壁故云此非曹孟

德之困於

### 杜牧

折戟沉沙鐵半銷自將磨洗認前朝東風不與周郎便

### 銅雀春深鎖二喬

孫策攻皖得喬女二女皆國色策納  
大喬瑜納小喬又瑜與曹遇於赤壁曹公在北岸瑜在南岸瑜  
將黃蓋以船載新燒北船時東南風急北船燒盡曹公敗走又

曹公作銅雀臺於鄴置妓其上詩意謂增註許茂周詩話云  
非東風助順則瑜不能勝家必為虜矣牧之赤壁詩意  
謂若不縱火即為曹公奪二喬置銅雀臺之上又云孫氏霸業  
廢此一戰社稷存亡生靈塗炭都不開只恐捉之為一喬可見措

謂若不縱火即為曹公奪二喬置銅雀臺之上又云孫氏霸業  
廢此一戰社稷存亡生靈塗炭都不開只恐捉之為一喬可見措



大不識  
好惡

### 秦淮

秦淮水在建康秦望氣者言江東有天字  
氣故斷地脉方山是其斷處水為秦淮

烟籠寒水月籠沙夜泊秦淮近酒家商女不知亡國恨

隔江猶唱後庭華陳後主作玉樹後庭華之曲聞者泣下後為隋所滅增註淵泉

說云隋亡有伴曲陳亡有後庭華皆亡國音也商女樂隋舊俗妖淫哀思不知為亡國之音此詩有開涉聖賢不欲聞秦間漢上之音晉趙孟不願聞牆有茨之詩也

### 漢宮

### 李商隱

青雀西飛竟未回漢武故事七月七日上於承華殿齋忽有青鳥從西方來上問東方朔朔曰此西王母欲來有須王母至及去君王長在集靈臺黃圖云許帝以三年後復來後竟不來

侍臣最有相如渴司馬相如口吃有消渴疾不賜金

通天臺在華陰縣界武帝所造

瑩露一杯西都賦抗仙掌以承露擢雙立之金盤武帝取此而不悟若食露果可不死相如最渴何不以此試之然則信否見矣

### 賈生

宣室求賢訪逐臣宣室未央前殿正室賈生才調更無倫可憐

夜半虛前席不問蒼生問鬼神漢賈誼諫為長沙傳歲餘帝思之徵入見上左

坐宣室受驚因感鬼神之事而問之誼且道所以至平夜文帝前席增註前席促席近聽誼言也

### 集靈臺

集靈臺玄宗所作雜錄云在華清宮中非漢集靈宮中之臺也

張祐 號國夫人承主息平明騎馬入金門楊妃外傳妃有三姊韓國魏國秦國

朝至尊楊妃外傳號國夫人不施朱粉自有美艷常素面朝天增註詩蝶首蛾眉注

三夫人又明皇雜錄號國常乘駝馬入金門金馬門也領嫌脂粉汚顏色淡掃蛾眉



長○此篇係杜工部詩節以魏國夫人為題騎馬作上馬金門作官門汚作泥

遊嘉陵後溪增註西川鳳州路薛能

山履經過滿徑蹤宋謝靈運常著木屐上山履則去前齒下山則去後齒隔溪遙見

夕陽春淮南子曰日經于隅泉是謂高春起于連五足謂下春薄於虞泉是謂黃昏當時諸葛

成何事只合終身作卧龍諸葛初隱草廬徐庶謂之卧龍後相蜀能惟傲誕其題等筆羅

自注云余為蜀從事常薄武侯非王佐才故有是題此章意亦同然能後鎮彭門廣順初軍亂殺死則武侯未可薄也增

鶴林玉露載薛能詩云云能之論非也孔明之出雖不能掃清中原吹火德之灰然備討賊之義盡孤之責以教万世

之為人臣者安得謂之成何事哉

已前共十一首

○前對周勃曰接句兼倚虛實兩体但前句作對而其接亦微有異焉相去僅一間特在乎稱停之間耳

山店

盧綸

登登山路何時盡決決溪泉到處聞風動葉聲山犬吠

一家松火隔秋雲增註披註夜燒松火明○易齋笑林載昭宗時國用竊之李茂貞念

推油以助軍須俄有司言官油沽賣不行多為松明挽奪乞行禁止張延範曰更有一利便可并月明禁之李大笑其禁遂止

韋處士郊居

雍陶

滿庭詩景飄紅葉繞砌聲滴暗泉門外晚晴秋色老

蕭條寒玉一溪烟

江南

陸龜蒙

村邊紫豆華垂次岸上紅梨葉戰初莫怪烟中重回首

酒旗青紵一行書



旅夕

高蟾

風散古坡驚宿鳥。月臨荒戍起啼鴉。不堪吟斷無人見。時復寒燈落一華。

金陵晚眺

曾伴浮雲歸晚色。猶陪落日送秋聲。世間無限丹青手。一段傷心畫不成。

春

明月斷魂清露霽。平蕪歸路綠迢迢。人生莫遣頭如雪。縱得春風亦不消。

已前共六首

後對

周勣曰此體唐人用之亦少必使未句雖對而詞足意盡若宋嘗對不然則如半截長律體體齊整

略無結念此荆公所以見諷於徐師川也

過鄭山人所居

劉長卿

寂寂孤鶯啼杏園。

吳董奉山居不種田為人治病不取錢但栽杏五株人欲買杏不須報奉但將

數一器取香一罍

寥寥一犬吠桃源。

長卿蓋以杏園在源比山人隱居

落華芳

草無尋處萬峰千峰獨闔門。

寒食汜上

汜上在城阜東

增註

汜祥子切古荆河路河南府汜水縣水名春秋時鞏成泉

地唐屬河北道孟州又曰廣武城詩聊與廣武嘆注屬孟州汜水縣

王維

廣武城邊逢暮春。

廣武城在鄭州滎澤縣西征記曰二阜山上有一城東曰東廣武西曰西廣武

漢祖與霸王共語處

汶陽歸客淚沾巾。

汶陽今在州奉符縣

落華寂寂啼山

鳥楊柳青青渡水人。



與從弟同下第出關

盧綸

出關愁暮一沾裳。蒲野蓬生古戰場。孤村樹色昏殘雨。遠寺鐘聲帶夕陽。

宿石邑山中

漢石邑縣今真定府井徑獲鹿縣

韓翃

浮雲不共此山齊。山靄蒼蒼望轉迷。曉月暫飛千樹裏。秋河隔在數峰西。四句皆形

贈張千牛

千牛衛將軍官名

增註

職林千牛乃名後魏有名職其義蓋取莊子之庖丁為文惠君解牛十九年割無數千牛而刀刃若發於硎因以為備身乃名書置大將軍一人左右千牛脩身各十二人掌執御刀宿衛侍從

蓬萊關下是天家

蓬萊宮在教坊之側龍朔三年建蓋千牛禁衛之官也

上路新

回白鼻騮

張銑曰上路苑路也李翰林白鼻騮詞云銀鞍白鼻騮綠池障泥錦細雨春風華落時揮鞭直就胡

飲急管畫催平樂酒

吳延濟曰平樂館名薛綜

日平樂館天作樂處也

春衣夜

宿杜陵華

杜陵在萬年縣東北

增註

黃馬黑

已前共五首

柳體

周勣曰此體必得奇句時出而用之姑存此以備一體

旅望

李頎

百華原頭望京師。黃河水流無盡時。秋天曠野行人絕。馬首西來知是誰。  
增註 黃河其源出崑崙至雍之積石龍門華陰

滁州西澗

應物建中三年守滁

增註

滁州本吳楚地秦漢九江郡深立南譙州隋改滁州

永陽郡屬淮南道今屬淮東道

韋應物



獨憐幽草澗邊生，上有黃鸝深樹鳴。春潮帶雨晚來急，野渡無人舟自橫。  
歐陽永叔曰：滁洲城西乃是豐山，無不勝舟。又江湖不至此，豈詩所謂四澗者？獨城北有一澗，水極淺，家務作佳句而實無此景也。  
**增註**：君子在野，考槃之在澗也。黃鸝而鳴於深樹，小人在位，巧言之如流也。潮水本急，春潮而帶雨，其急可知。國家患難多也，晚來急，乃危國亂朝季世末俗地日色已晚，不復光明也。野渡無人，舟自橫，寬閑之野寂寞之濱，必有濟世之才如孤舟之橫渡者，特君相不能耳。

**醉張繼**

本集題序云：懿孫余之舊好，祇役武員以六言見懷，余以七言答。

**皇甫冉**

帳望南徐登北固，劉宋以京山置南徐州，北固山今鎮江府甘露寺，皇甫冉，丹陽人也。迢迢西塞限東關。  
西塞山名，王周有西塞山詩，自注云：今謂之在歷陽，西南二百里，其道土磯，與國軍大治縣歷陽圖經曰：東關曆日諸葛恪在東關。落日臨川問竟信，陸士衡詩：日寒悲情臨川結。

潮惟帶夕陽還

河邊枯木

長孫佐輔

野火燒枝水洗根，數圍枯朽半心存。應是無機承雨露，卻將春色寄苔痕。

柳州二月增註

柳州古百越地，秦置百越屬桂林郡，漢改鬱林郡，梁置龍州，隋置象州，唐為柳州，龍城郡屬嶺南道，以地當州，星下故名，今屬廣西道。

柳宗元

宦情羈思共悽悽，春半如秋意轉迷。山城過雨百華盡，榕葉滿庭鶯亂啼。  
榕初生如葛，綠木後乃成樹，詩：渾云南方大葉榕，樹橫枝危者，輒生根，飛地如柱。  
**增註**：按史：德宗貞元末，柳宗元坐王叔文黨，初貶永州，刺史再貶永州，司馬至憲宗元和十年徙柳州，刺史時劉禹錫貶播州，宗元日播非人所居，禹錫親在吾不忍其窮，即具奏欲以柳州授禹錫，而自往播，大臣亦為其請，因改禹



錫連

贈楊鍊師

鮑溶

道士夜誦藥珠經謂黃庭經也黃庭經云閉居藥珠作七言白鶴下遶香烟

聽夜深經盡人上鶴天風吹入籟冥冥

題齊安城樓

齊安城黃州郡稱春秋黃州齊安郡隋黃州又永安郡唐淮南道增註齊安黃州郡稱春秋黃州漢郡縣晉西陽國南

黃州齊安郡宋屬淮西今亦屬淮西道杜牧

鳴軋江樓角聲微陽激灑落寒汗不用憑欄苦回首

故鄉七十五長亭六帖云短亭五里長亭十里

已前共七首

側體周勳曰其說與物體相類然發興措辭則奇健矣

營州歌

高適

營州少年愛原野營州河北道柳城郡本遼西郡狐裘蒙茸獵城下

虜酒千鍾不醉人胡兒十歲能騎馬增註

毛萇曰蒙茸亂貌左傳狐裘蒙茸飲器

山家

長孫佐輔

獨訪山家歇還漲茅屋斜連隔松葉主人聞語未開門

遶籬野菜飛黃蝶

夏書偶作

柳宗元

南州溽暑醉如酒隱几熟眠開北牖日午獨覺無餘聲

山童隔竹敲茶臼增註溽暑温濕也禮記上潤溽暑孟子隱几而卧隱猶枕也

步虛詞

異苑曰陳思主遊漁山忽聞空裏有誦經声清遠寥亮便解音者為之為神仙之聲道士



效之作 亦虛此 步虛之始也

高駢

清溪道士人不識東有泉泉側有道士舍郭景純神仙遊

詩曰清溪千仞上天下天鶴一隻洞門深鎖碧窓寒

餘中有一道士傳在洞門謂滴露研朱點周易增註清溪一作青溪在處州青

君山在岳州洞庭湖中方六十里亦名洞庭之山荆州圖經

志君山狀如十二螺髻北夢瑣言湘江北流至岳陽

達蜀江夏潦後蜀江漲過住湘波溢為洞庭湖凡數

湘中老人讀黃老手接紫龜坐碧草春至不知湘水深

日暮忘卻巴陵道此詩伯勞不著何人作廣異記載

此詩曰異其詩增註元本湘水作湖水○黃庭經玉宸君即

教注謂崇尚黃帝老子之術○岳州劉宋為巴陵郡弄屠巴蛇於洞庭骨若履故名巴陵○詩話引東坡百斛明珠載唐宋有入見作是詩者殆是李謫仙輩老人真道世者也

繡嶺宮

李洞

春草萋萋春水綠野棠開盡飄香玉繡嶺宮前鶴髮翁

繡嶺宮在陳州映石懸顯慶三年量猶唱闕元太平曲玄宗開元中嘗

註李汝異開寶錄載會昌中許孝廉路出江榮館逢百衣叟乘馬高吟此詩許異之逐問忽入一林遂不見

已前共六首

增註唐賢絕句三體詩法卷之一

丁丑五月十九日平仄



